

登

壇

必

究

登壇必究自敘

淮陰王鳴鶴撰

人亦有言天下安注意相天下危注意將安危之間難易辨焉此奚竦智者而後審之今之任相必儲材於翰苑雍容經術養德養望垂十數禩而

遴選自公登庸有赫輔翊佐命寧極  
和鈞揖讓人主之前睥睨百僚之上  
安常履順斯何容與也而至於將則  
難言之矣任疆場之寄當烽羽之衝  
頃而操戈頃而遇敵以一身繫民社  
重而倉皇赴命之不暇故非智無以

察微非勇無以率衆非仁無以得士  
非威無以飭武非賞罰之公無以示  
懲勸之數者非嘗試漫爲可以僥倖  
萬一甚至矢石交下志懷裹革得之  
天植者又幾何人哉故仰觀俯察博  
采旁搜上下古今考鏡成敗蓄之有

素然後出之裕如不至木彊貽譏于  
漢史木偶見謂于蘇氏斯將之善者  
也今世輕武弁而久之武弁亦自輕  
寢淫成俗幾於不振挽強蹶張者不  
事考索頑詬紈袴者湛溺自安嘗觀  
世胄子弟傴僂一官目不識一丁舉

筆如扛鼎語以忠君愛國之道審機  
達變之權則曹平無知嗟哉乎若而  
人也而遽使之當一面其不至敗乃  
公事幾希矣兵書行世如武經七書  
及百將傳奚翅蒼龜顧家誦戶習目  
爲常談其或散見經史諸家切于兵

事者汗漫廣衍博綜匪易余不佞少  
遊膠庠志在觚管尋以世資受襲倖  
叨

制科捐身忘私圖報

國恩有日矣每檢閱載籍凡有裨將  
略者手錄盈笥彙成簡編得四十卷

題曰登壇必究大都爲吾武人津筏  
乎哉當戎事鞅掌張軍野宿勢不能  
多攜卷帙自隨而茲刻所載行事則  
前賢之芳軌議論則已試之鴻謨顯  
而戰陳攻守微而占候推測衡而祭  
禱醫藥之類開卷具存瞭然在目如



挾貲而遊市肆粟帛魚鹽蔬果薑芥  
靡不適用者矣特恨采輯多遺分類  
未當蓋冀浴求益廣以竣後圖凡我  
同志或有秘錄毋吝寄將共成厥美  
余不佞且有厚幸焉萬厯戊戌歲冬  
月吉旦書於白狼公署

登壇必究叙

夫易水地合體曰師之勢險而其用陰聖人之不得已也然丈人用之則吉無咎本諸德曰剛中凡兵得之若驚失之若驚輕率而易動持終而寡斷利可以

誘卑可以驕聲可以奪疑可以  
間繇不剗也知進而不知退能  
勇而不能却剛復而自用執一  
而不化嗜殺而不悔繇不中也  
不剗不中非德也是其將猶嬰  
孺子可齧而虜矣丈人者何其

道以貞其行以順其養民畜眾  
以久其出以律其謀以臧敵可  
乘以執言時不利以左次獨知  
獨勢則弟子不庸使貪使詐則  
小人勿棄其不動難知如地其  
因刑制變如水其取不盈險不

月二  
失信象坎其柔而動剛舍先迷  
而趨後得象坤而剛中之德一  
爲一之以守其真適之以達於  
變靡不測也靡不完也不比於  
咎而皆在於吉德是之謂丈人  
是故國有事君爲之築壇坫而

禮焉國之六師率以聽焉閩以  
外專而制焉皇之乎被三錫而  
南國承家也不偉然丈夫之烈  
乎哉故將未有不知易而能知  
兵者也世所傳兵家者言離之  
而三析之而六窮之而十三是

於易為附贅而況其多乎今觀  
王君之著書也則又以益多大  
之而三垣九野風雲氣候之徵  
遠之而窮髮大荒海嶼扶桑之  
國顯之而律度權衡戰克攻取  
之法幽之而太乙六甲出神入

妙之機博之而握奇乘之八陣  
六花之變瑣之而技擊劍術方  
藥卜筮之說證古義則六經百  
氏之遺文憂時務則名公鉅儒  
之疏議廣矣博矣難測究矣至  
讀其帷間答向一書抽扃啟秘



發乎心精又約之乎其言之也  
王君之論曰非博不足以盡智  
非約不足以盡神敵之設詭無  
窮將有所不知則疑之則怯之  
則泥於剛中之旨悖矣約之為  
用神乎神乎不可思議神而明

之存乎其人也蓋深於易矣故  
夫眾多而亂術多而禱有淮陰  
氏則多而益辨垓下之勝也為  
趙括氏則讀父書而不知其解  
長平之敗也善讀王君書者而  
以約求之乎則為淮陰其徒以

多求之乎則為趙括是多之益  
以長其眩瞶迷惑而不能自得  
又奚益於勝哉不佞書生也何  
知兵少而受易則竊易剗中之  
旨以告弁士又非敢言知易也  
王君仁而武沉而有謀蓋庶乎

今之丈人其必以不佞言為信  
矣遂為之叙

閩中徐鑾鳴卿書

登壇必究卷叙

余甥王羽卿出自將門少負偉志慷慨期勒燕然封  
狼居胥之奇勛以故棄青衿襲千夫長丙戌舉武進  
士高第累功遷今副總戎夫羽卿雖左烏虓右夏服  
周旋鞭弭囊鞬問顧手未嘗一日廢書鈐閣之藏幾  
于二酉腹中武庫不減數萬甲兵間集兵家言爲登  
壇必究若干卷書成來示余余一再流覽則孤虛旺  
相配塞形勝虛實向背之數臨機決勝之奇以至軍  
興所須洪巨纖悉靡不備是矣乃屬余序諸首簡余

辱在葭苕豈能無言以謝羽卿也余故文士不知兵  
然竊有慨于中矣嘗怪趙括讀父書而爲婦女子所  
嗤笑房琯用古戰法小試輒挫衄何不效之甚也嗟  
乎其爲介冑不知書者口實也必此兩人者夫圻父  
陰謀諸書猶古方書也非扁鵲倉公善用之卽殺人  
庸醫也漢武帝欲以孫吳兵法教驃騎不肯受曰將  
顧方畧何如豈能效人齒類如刻舟求劍之爲余聞  
羽卿建牙狼山諸所爲倡勇敢激忠義具有方畧人  
人稱爲大將材然士亦無不人人奮者蓋庶幾不愧

驃騎風至于國爾忘家之意大都露所自叙中則羽  
卿登壇事業有不盡于是書者是書也其不過羽卿  
之緒論而武弁家之津筏也與夫以羽卿之才猷雄  
畧當不至終爲斂鳳爲鞞鷹其翔千仞而搏秋空直  
且莫也者況今天下南北捨攘羽書旁午

聖天子拊髀思干城之臣一旦授金印如斗大俾橫  
行四夷中然則勒燕然封狼居胥此其時已羽卿勉  
旃哉余且拭目以觀爾登壇勛也

萬曆二十七年己亥夏五月吉

賜進士第中順大夫應天府府丞東海張朝瑞撰



王羽卿傳

王鳴鶴字羽卿其先鹿邑人居山陽世襲海州守禦  
所副千戶初爲海州儒學生旣承襲遂中萬歷壬  
午武舉人丙戌進士授淮安衛指揮同知陞湖廣  
鄖襄守備以定鄖陽軍變有功陞湖廣行都司僉  
事兵部考選天下將材第一陞陝西游擊尋陞甘  
肅永昌叅將套賊勾西人內訌防守固原逐賊出  
塞陞貴州清浪叅將征播州楊應龍屢獲全勝又  
征邛水苗蕩平巴梁鬼計等十九塞征樂平斬阿

禮生等陞狼山副總兵擒江洋大盜陳忠等又改  
管婺川偏橋騰衝諸叅將旋以斬獲有功陞五軍  
營左副將歷陞廣西卦印總兵累官驃騎將軍南  
京右府都督僉事鳴鶴橐鞬好學雅擅吟咏詩篇  
清麗恬然勝流淮安府志按鳴鶴雖籍海州實世居山  
陽所著登壇必究等書自署爲淮陰王鳴鶴可證  
也

登壇必究目錄

第一卷

天文

第二卷

玉歷

第三卷

太乙

第四卷

奇門

第五卷

六壬

第六卷

地理一

古九州 北直隸 南直隸  
浙江 江西

第七卷

地理二

福建 湖廣 河南

第八卷

地理三

山東 山西 陝西 四川

第九卷

地理四

廣東

廣西

雲南

貴州

第十卷

兩直各省事宜

北直隸

南直隸

遼東

浙江

山東

福建

廣東

第十一卷

兵柄

將權

將帥

第十二卷

選將

任將

賞功

賞罰

第十三卷

簡閱

選兵

教兵

訓練

第十四卷

威武

懷遠

京輔

郡國

第十五卷

征討

軍行

下營法

第十六卷

軍制

經武

軍情

第十七卷

屯戍

屯田

城守

守邊



第十八卷

馬政

相馬

車戰

用騎

奇伏

第十九卷

師律

師戒

號令

第二十卷

叙戰

百戰

戰地

戰陣

第二十一卷

攘夷

外夷

第二十二卷

四夷

夷情

譯言

附譯語

第二十三卷

北狄

胡名

第二十四卷

東南海夷

朝鮮

東倭

第二十五卷

江防

水戰

第二十六卷

過盜

第二十七卷

攻城

第二十八卷

守城

第二十九卷

器械

器圖

火器

營器

第三十卷

劍經

附長鎗

第三十一卷

漕河

附漕運海運

第三十二卷

烽燧

開謀

祭禱

謀主

醫藥

第三十三卷

陣圖一

第三十四卷

陣圖二

第三十五卷

陣圖三

第三十六卷

陣圖四

第三十七卷

奏疏一

第三十八卷

奏疏二

第三十九卷

奏疏三

第四十卷

奏疏四



凡例

一是輯止取別刻有關兵事者乃係昔時隨閣隨筆未暇彙括分類多端且未嘗參入已見緣武人智識短淺不敢與當世名公鉅卿頡頏而譚時事惟恐爲高明所竊鄙故專事彙輯而鮮發揮閱者亮之

一是輯有奏議文移論辨籌策類各不一內有稱臣稱名稱字稱號及稱某公悉仍原本未嘗改易閱者幸毋以異同見罪

一輯中有名公奏議皆據別刻所載亦知挂漏固多  
非有成心去取

一天文及陣法內有無裨實用者姑悉存之以備叅  
考其間可信與否智者能辨之一或刪削恐好事  
者疑爲未備妄增奇異愈繁愈詭徒亂耳目

一各路將臣忽聞方隅之警必先察里道之遠近以  
審敵情之緩急地理於兵家亦最切者故省直道  
路及府衛州縣據一統志與皇輿考所載撮輯備  
覽誠不憚煩志者幸亮之

一戰陣奇伏攻取之機及新變火器諸法皆別刻所  
舊載盡輯篇中或有秘開不敢概刊兵道尙詭豈  
宜輕泄雖別有確問答問間嘗及之然亦不敢不  
慎秘也閱者幸諒其未備云

登壇必究卷之一

淮陰王鳴鶴 編輯

姑蘇袁世忠 校正

輯天文說

王鳴鶴曰天文微妙難言矧我朝有私習之禁而又不容以易言者也天下臣民恪遵憲制無敢軼越故今世占候獨決於靈臺如漢太史公父子世官其業而他無與也雖然祖宗之禁不過爲妄言妖術箠瞽人心者設耳至若受命制闢

敵壘相向吉凶禍福勝負所關如日月有顯晦星  
辰有變遷風氣雲物有稔祥感應之機捷於影響  
不有先覺何以早計而預待之墨子以帝殺黑龍  
而不利於北方戴洋以熒惑逆行而知石晉之敗  
故古者重時日徵陰陽未之有改也今於世所諱  
言及一切妄誕之書皆不敢槩輯以干 明禁至  
於見今刊行于世及頒降自 上如文獻通考玉  
厯祥異等書敬採其切于兵事者彙以成軼庶便  
臨戎備覽焉

天文總圖說

天文三垣二十八宿并附近星官總計二百八十三

座一千四百六十四星

微星萬一千五百二十

凡星居之曰次曰舍曰留同舍曰合變爲妖星曰散

經之曰歷相擊曰鬪早出曰贏晚出曰縮又失次

上二三宿曰贏失次下二三宿曰縮在下而上曰

陵在上而下曰乘周匝曰繞東西曰鈞南北曰紀

星月相陵曰食七寸以內光芒相及曰犯居其宿

曰守守之而久曰復曰還

星宿行列

行兩角間行亢外三尺行氐外四尺行房中間行心  
內二尺行尾內十二尺行箕內六尺行斗柄一尺  
行牛上間行女外四尺行虛外六尺行危外七尺  
行室外十三尺行壁外十四尺行奎外十三尺行  
婁外九尺行胃外九尺行昴外十五尺行畢左角  
行觜內八尺行參內十三尺行井中行鬼外四尺  
行星內十五尺行張內十八尺行翼內六尺行軫  
內三尺

日月五星  
常行黃道

天漢起東方經箕尾之間謂之漢津乃分爲二道其

南經傳說魚天籥天弁河鼓其北經龜貫箕下次  
絡南斗魁左旗至天津下而合南道乃西南行又  
分夾瓠瓜人星杵造父騰蛇王良附路閣道北端  
大陵天船卷舌而南行絡五車經北河之南入東  
非水位而東南行絡南河闕邱天狗天紀天稷在  
七星南而沒

天漢  
起沒

周天三百六十五度五百八十九分度之百四十五  
半覆地上半在地下其二端謂之南極北極北極  
出地三十六度南極入地三十六度兩極相去百



八十二度半強繞北極徑七十二度常見不隱謂之上規繞南極徑七十二度常隱不見謂之下規赤道帶天之紘去兩極各九十一度少強黃道日之所行也半在赤道外半在赤道內與赤道東交於角五少弱西交於奎十四少強黃道外極遠者去赤道二十四度斗二十一度是也其入赤道內極遠者亦二十四度井二十五度是也日南至在斗二十一度去極百一十五度少強日最南去極最遠故景最長黃道斗二十一度出辰入申故日

亦出辰入申日晝行地上百四十六度少強故日短夜行地下二百一十六度少弱故夜長自南至後日去極稍近故景稍短日晝行地上度稍多故日稍長夜行地下度稍少故夜稍短日所在度稍北故日稍北以至於夏至日在井二十五度去極六十七度少強日最北去極最近故景最短黃道井二十五度出寅入戌故日亦出寅入戌日晝行地上二百一十九度少弱故日長夜行地下百四十六度少弱故夜短自夏至後日去極稍遠故景

稍長日晝行地上度稍少故日短夜行地下度稍多故夜長日所在度稍南故日稍南以至於南至而復初焉斗二十一井二十五南北相應四十八度春分日在奎十四少強秋分日在角五少弱此黃赤二道之交中也去極俱九十一度少強南北處斗二十一井二十五之中故景居二至短長之中奎十四角五出卯入酉故日亦出卯入酉日晝行地上夜行地下俱百八十二度半強故日見之漏五十刻不見之漏五十刻謂之晝夜同夫何以

謂晝數多而夜數少也夫天之晝夜以日出沒爲分人之晝夜以昏明爲限日未出二刻半而明日入二刻半而昏故損夜五刻以益晝是以春秋分漏晷五十五刻也洛書甄曜度春秋考異郵皆云周天一百七萬一千里一度爲二千九百三十二里七十一步二尺七寸四分周禮日至之景尺有五寸謂之地中鄭眾說土圭長尺有五寸以夏至日立八尺之表其影與土圭等謂之地中今潁川陽城是也鄭元云凡影於地千里而差一寸景尺

有五寸者南戴日下萬五千里也據此日當去地  
八萬里矣日邪射陽城則天徑之半也以勾股法  
言之以周率乘之徑率約之得五十一萬三千六  
百八十七里六十八步一尺八寸二分一度凡千  
四百六里二十四步六尺四分孳象紀數言人人  
殊何居要之周渾無際日月眡營馴幽咫步宜莫  
瑩其所以然者

日循黃道東行一日一夜行一度三百六十五日有  
奇而周天行東陸謂之春行南陸謂之夏行西陸

謂之秋行北陸謂之冬以成陰陽寒暑之節傳云  
日太陽之精

月者陰之精其形圓其質清日光照之則見其明日  
光所不照則謂之魄故月望之日日月相望人居  
其間盡覩其明故形圓也二弦之日日照其側人  
觀其傍故半明半魄也晦朔之日日照其表人在  
其裏故不見也其行有遲疾其極遲則日行十二  
度強其極疾則日行十四度半強遲極漸疾疾極  
漸遲二十七日半強而遲疾一終矣又月行之道

斜帶黃道十三日有奇在黃道表十三日有奇在黃道裏表裏極遠者去黃道六度二十七日有奇而陰陽一終矣

日有中道月有九行中道者黃道一曰光道光道北至東井南至牽牛東至角西至婁夏至至於東井北近極故晷短立八尺之表而晷景長尺五寸八分冬至至於牽牛遠極故晷長立八尺之表而晷景長丈三尺一寸四分春秋分日至婁角去極中而晷中立八尺之表而晷景長七尺三寸六分日

去極遠近難知要以晷景晷景者所以知日之南北也月行九道者黑道二出黃道北赤道二出黃道南白道二出黃道西青道二出黃道東立春春分東從青道立秋秋分西從白道立冬冬至北從黑道立夏夏至南從赤道青赤出陽道白黑出陰道

歲星太歲在四仲則歲行三宿太歲在四孟四季則歲行二宿二八十六三四十二而行二十八宿十二歲而周天



熒惑常以十月入太微受制而出行列宿司無道出  
入無常二歲而周天

填星常以甲辰元始見斗之歲鎮行一宿二十八歲  
而周天

太白常以正月甲寅與熒惑晨出東方二百四十日  
而入四十日又出西方二百四十日而入入三十  
五日而復出東方出以寅戌入以丑未

辰星常以二月春分見奎角五月夏至見東井八月  
秋分見角亢十一月冬至見牽牛出以辰戌入以

丑未二旬而入晨候之東方夕候之西方

月行遇木火土金四星向之則速背之則遲五星行四方列宿各有所好惡所居遇其好者則留多行遲見早遇其惡者則留少行速見遲與常數並差少至五度多至三十度計其辰星之行見伏之異晨應見在雨水後立夏前夕應見在處暑後霜降前並不見驚蟄立夏立秋霜降四氣之內晨夕去日前後三十六度內十八度外有水火土金一星者見無者不見


五星爲五德之主其行或入黃道裏或出黃道表猶  
月行出有陰陽也然出入無常不可以算勝求也  
其東行日順西行日逆順疾逆遲通而率之終爲  
東行矣不東行不西行曰留與日相近而不見曰  
伏與日同度曰合

水火土三星行遲夜半經天其始皆與日合度而後  
順行漸遲追日不及晨見東方行去稍遠朝時近  
中則留經旦過中則逆行逆行至夕時近中則又  
留留而又順先遲漸速以至於夕伏西方乃更與


日合金水二星行速而下經天日始與日合之後  
行速而先日夕見西方去日前稍遠夕時欲近南  
方則漸遲遲極則留留而近日則逆行而合日在  
于日後晨見東方逆極則留留而後遲極去日稍  
遠且時欲近南方則速行以追日晨伏于東方復  
與日合此五星合見遲速逆順流行之大經也昏  
旦者陰陽之大分也南方者太陽之位而天地之  
經也七曜行至陽位當天之經則虧戾留逆而不  
居焉此天地之常道也三星經天二星不經天參

天兩地之道也

總圖



此其畧也詳  
見左方各圖



漢天文志曰凡天文在圖籍昭昭可知者經星常宿

中外官凡一十八名積數七百八十三星皆有州國

官宮物類之象其伏見早晚邪正存亡虛實廣狹

孟康

曰伏見早晚謂五星也日月五星下道爲邪存謂列宿不虧也亡謂恒星不見虛實若天牢星實則囚多虛則開出之屬也闕狹及五星所行合散犯守陵歷若三台星相去遠近也

闕食

孟康曰合同舍也散五星有變則精散爲祿星也犯五寸以內光芒相及也陵相冒過也食星

月相凌不見者則所食也章昭曰目下往觸之日犯居其宿曰守經之爲懸突掩爲凌星相聚爲闕也

彗孛飛流日月薄食

張晏曰彗所以除舊布新也孛氣似彗飛流謂彗星流星也孟

康曰彗絕迹而去也流光迹相連也日月無光曰薄京房易傳曰日月赤黃爲薄或曰不交而食曰薄章



昭曰氣往迫之爲薄虧毀曰食也

暈適背穴抱珥蜚

孟康曰暈日旁氣也適日

之將食有黑之變也背形如背字也穴多作緡其形如玉緡也抱氣向日也珥形點黑也如淳曰暈讀曰運重或作虹蜺讀曰翳婦藥謂之重表云雄爲重雌爲蜺凡氣在日上爲冠爲黨在旁直對爲珥在旁如半環向日爲抱向外爲背有

迅雷風祆怪雲變氣此

皆陰陽之精其本在地而上發于天者也政失於此

則變見於彼猶景之象形鄉之應聲

師古曰鄉讀曰響

是以

明君覩之而寤飭身正事思其咎謝其過則禍除而福至自然之符也

晉天文志曰張衡云文曜麗乎天其動者有七日月

五星是也日者陽精之宗月者陰精之宗五星五行之精眾星布列體生於地精成於天列居錯峙各有攸屬在野象物在朝象官在人象神其以神差有五列焉是爲三十五名一居中央爲之北斗四布於方各七爲二十八舍日月運行歷示吉凶五緯纏次用告禍福中外之官常明者百有二十四可名者三百二十爲星二千五百微星之數蓋萬一千五百二十庶物蠢蠢咸得繫命不然何得總而理諸後武帝時太史令陳卓總甘石巫咸三家所著星圖大凡二百

八十三官一千四百六十四星以爲定紀今畧其昭  
昭者以備天官云



中宮北極紫微宮

中元北極紫微宮北極五星在其中大帝之座第二  
珠第三之宮庶子於第一號曰爲太子四爲後宮五

天樞

一云第三明者帝之居第四明曰四庶子最小第五天之樞也

左右四星是四

輔天乙太乙當門路左樞右樞夾南門兩面營衛一  
十五上宰少尉兩相對少宰上輔次少輔上衛少衛

次上丞後門東邊大贊府門西喚作一少丞以次却  
向門前數陰德門裏兩黃聚尙書以次其位五女史  
柱史各一戶御女四星五天柱大理兩星陰德邊勾

陳尾指北極顛勾陳六星六甲前天皇獨在勾陳裏  
五帝內座後門是華蓋井杠十六星杠作柄象華蓋  
形蓋上連連九箇星名曰傳舍如連丁垣外左右各  
六珠右是內階左天厨階前八星各八穀厨下五箇  
天棊宿天牀六星左樞在內厨兩星右樞對文昌斗  
上半月形稀疎分明六箇星文昌之下曰三公太尊  
只向三公明天牢六星太尊邊太陽之守四勢前一  
箇宰相太陽側更有三公相西邊卽是元戈一星圓  
天理四星斗裏暗輔星近著闔陽淡

一本云文昌之  
下三師名天牢

六星四勢前更有三公相西偏卽是太陽一  
星圖天理四星斗裏暗輔星近著闈陽淡 北斗之

星七宿明第一主帝名樞精第二第三璇璣星第四  
名權第五衡闈陽搖光六七名搖光左三天槍紅

北極五星在紫微宮中一名天極一名北辰其紐  
星天之樞也天運無窮三光迭耀而極星不移故  
曰居其所而衆星拱之第一星主月太子也第二  
星主日帝王也亦爲太一座謂最赤明者也第三  
星主五星庶子也北極五星最爲尊也中星不明  
主不用事右星不明太子憂也其第四星爲后宮  
第五星爲天樞張衡云二星竝爲后宮北極五星  
明大則吉變動則憂抱極樞四星曰四輔所以輔  
佐北極而出度受政也張衡云抱極之輔星也爲  
輔臣之位主贊萬機小而明吉大明及芒孛臣逼  
君暗則官不理天乙一星在紫微宮門右星之南  
天帝之神也主賊闕知人凶吉者也太乙一星在

天乙南相近亦天帝神也主使十六神如風雨水旱兵革饑饉疾疫災害所生之國也張衡云天乙遍闔闔外其占明而有光則陰陽和合萬物成人主吉不然反是太乙占與天乙畧同紫宮垣十五星其西藩七東藩八在北斗之北一日紫微大帝之座也天子之長居也主命主度也一日長垣一日天營一日旗星爲藩衛備藩臣也官闕兵起旗星直天子出自將宮中兵張垣云紫微垣十五星東藩八西藩七其東藩近闔闔門第一星爲左樞第二星爲上宰第三星爲少宰第四星爲上輔第五星爲少輔第六星爲上衛第七星爲少衛第八星爲少丞其西藩近闔闔門第一星爲右樞第二星爲少尉第三星爲上輔第四星爲少輔第五星爲上衛第六星爲少衛第七星爲少丞皆以明大有常則吉若盛則內輔盛也宮垣直而明天子將兵開則兵起西藩開如門象名闔闔門有流星自門而出四野者富有中使銜命視其所適野而驗之也陰德二星在紫微官內尙書之西主德者



占以不明爲宜明則新君踐極隋志曰尙書西二星曰陰德陽德主周急賑恤又分爲二坐星矣門內東南維五星曰尙書主納言夙夜咨謀龍作納言此之象也張衡曰八坐大臣之象其占與四輔不殊極東一星曰柱下史主左右紀君之過星明則史直辭不明反是柱史北一星曰女史賴人之微者主傳漏故漢有侍史張衡云婦官也主記宮中之事其占與柱史同御女四星在紫微宮內勾陳之北八十一御妻之象也其占明則多內寵不明則否晉志謂之女御宮天柱五星在紫微宮門內華蓋柱左旁近東垣北隅法五行主晦朔晝夜之職明正則吉人安陰陽調不然則司歷過隋志云建政教立圖法之府也常以朔望日垂禁台於天柱以示百司周禮以正歲之月示法象逸此之謂也大理二星在紫微宮門內次近陰德決獄之官星明則刑憲平不明則冤酷深勾陳六星在紫微宮內華蓋之下隋志云後宮也大帝之正妃也大帝之帝居也張衡云大帝所居之宮也亦將軍

之象也星門則吉暗則人主惡之勾陳口一星曰  
天星亦曰大帝其神曰曜魄寶主御羣靈東萬機  
神圖也其星隱而不見見則爲災六甲六星在紫  
微宮內華蓋杓左旁分掌陰陽紀時節明則陰陽  
和不不明則寒暑易節五帝內座五星在華蓋下勾  
陳上斧屨之象所以備宸居者明正則吉變動則  
災凶隋志云客星犯紫微宮中坐大臣犯主華蓋  
七星其杓九星合十六星在勾陳上正當大帝所  
以覆蔽大帝之座也明正則吉傾動則凶傳舍九  
星在華蓋上近河窠客之館主胡人入中國客星  
守之備奸使亦曰胡兵起內階六星在文昌北天  
皇之陛也明吉傾動凶紫微東垣北維外六星曰  
天厨天子百官之厨也見吉不見凶八穀八星在  
紫微西藩之外五車之北具八星一主稻二主黍  
三主大麥四主小麥五主大豆六主小豆七主粟  
八主麻子明則八穀皆成暗則不熟一星不見則  
八穀不登八星不見則國人糶口天格五星在女  
牀東北天子先驅所以禦難也不明則國兵起一

曰主爭訟明大凶小吉天牀六星當剛開門外主  
天子寢舍解息燕休之處星正大吉君有慶傾則  
人主不安一云在宮門外聽政之象也爲寢舍也  
暗凶內厨兩星在紫微垣外西南角主六宮之內  
飲食府也一云主后夫人與太子飲宴居常無咎  
有犯守凶文昌六星在北斗魁前天之六府也主  
集計天道一日上將大將軍建威武次二曰將尙  
書正左右三曰貴相太常理文緒四曰司祿司中  
司謀賞功進爵五日司命司怪太史主減咎六曰  
司寇大理作理贊所謂一者起北斗魁前近內階  
者也明潤大小齊天瑞張衡云其占黃潤光明  
萬人安大小均天瑞降青黑細微多所害掃動移  
徙大臣憂金火守入兵興李犯國亂一曰文昌動  
則三公受誅后崩災疢與三公同三公三星在北  
斗柄東又三公星在北斗魁西竝爲太尉司空司  
徒之象王燮理陰陽弼君機務其星移徙不吉居  
常安金火守之三公有凶隋志曰杓南三星及魁  
第一星皆曰三公宣德化調七政和陰陽之言也

太尊一星在中台之北貴戚也巫咸云睪公之象  
居常爲定不見則凶金犯守爲災貴賤將敗者也  
天牢六星在北斗魁下貴人之牢也主愆過禁暴  
淫與貫案同占太陽守一星在相西大將大臣之  
象也主戒不虞設武備也非其常兵起明吉暗凶  
移徙大臣誅勢四星在太陽西北刑餘人而用事  
者也不明吉明則閹宦擅權相一星在北斗南隋  
志云相者是總領百官而掌邦教以佐帝王安邦  
國集衆事也明吉元戈一星在招搖北一曰天戈  
也芒角大而動則四夷兵起其占與梗河相類北  
斗魁中四星黑星爲貴人之牢也天理明及搖動與  
有星者爲貴人下獄北斗七星輔一星在太微北  
七政之樞機陰陽之本元也故運乎天中而臨制  
西方以建四時而均五行也魁四星爲璇璣杓三  
星爲玉衡又象號令之主又爲帝居取乎運動之  
之義也又魁第一星曰天樞第二曰璇三日璣四  
日權五日玉衡六日開陽七日搖光一至四爲魁  
五至七爲杓樞爲天璇爲地璣爲人權爲時玉衡

爲音開陽爲律攝光爲星石氏云第一日正星主  
陽德天子之象也二日法星主陰刑女主之位也  
三日令星主賊害也四日伐星主天理後無道五  
日殺星主中央四旁殺有罪六日危星主天食五  
穀七日都星亦曰應星主兵又云一主天二主地  
三主火四主水五主土六主木七主金又曰一主  
秦二主楚三主梁四主吳五主趙六主燕七主齊  
軌星附乎開陽所以佐斗成功又曰主危正橋不  
平又曰丞相之象也七政星明則國昌不明則國  
殃斗旁欲多星則安斗中少星則人恐天下多訟  
法者也星少二十以上人民有訟輔明而斗不明  
臣強主弱斗明輔不明主強臣弱也杓南三星及  
魁第一星皆曰三公宣德化調七政和陰陽之官  
也張衡云云若廣言宮室妄鑿山陵則第二星不  
明或變色若不愛百姓聚典征役則第三星不明  
或變色若發號令不明四時不明天道則第四星  
不明或變色若廢正樂務滯聲則第五星不明或  
變色若不勸農桑不務稼穡峻法濫刑退賢傷政

則第六星不明或變色若不撫四方不安夷夏則第七星不明或變色凡日月暈連環及斗月暈及搖動兵起其旁及中小星多則天下不安人多怨一云小星多則天下安不然則國人散五曜及客星守入皆凶李慧尤甚也

右夾深鄭氏作通志天文畧言漢晉諸志所載諸星名數災祥叢雜難舉惟隋丹元子作步天歌句中有團言下見象或豐或約無餘無失故取其歌而於歌之後採諸家之言以備之今所載其前則丹元子歌也後則夾深所取諸志以釋之者也其說亦畧備矣然宋史志所載近代諸儒之說則考訂尤詳故又摭其所未備者附見各段之末云

宋兩朝天文志舊說皆以經星正樞機後祖樞之立讓測之消皇祐中以銅儀管候之其不動處猶在樞星之末一度餘朱子語錄曰北辰乃天之北極天如水車北辰乃軸處水車動而軸未嘗動又曰北辰是那中間無星處些子不動是天之樞

經北辰無星緣人要取此爲極不可無箇記認所以就其旁取一小星謂之極星問極星動否曰極星也動只是近那辰後雖動不可覺今人以管去窺那極星見其動來動去只在管裏面不動出去向來人說北極便是北辰皆只說北極不動至本朝人方去推得是北極只在北辰邊頭而極星依舊動

宋兩朝天文志太子星去北極十五度入星宿三度 四輔四星去天樞各四度 勾陳六星去極六度半入壁宿五度 天皇大帝星去極八度半入室宿十一度 華蓋七星 杠九星距中大星去極二十六度入婁宿四度 五度內座五星距中大星去極十二度半入室宿六度 六甲六星距南星去極一十五度入奎宿四度 女御四星距西商星去極一十三度半入奎宿一度 天柱五星距東南星去極十三度半入危宿初度 尙書五星距西南星去極一十九度入尾宿十四度 花下史一星去極十八度入斗宿十三度 女史一

星去極十七度半入斗宿二度 陰德二星距東  
星去極十九度入房宿二度 大理二星距東星  
去極二十三度半入心宿五度 天鼎六星距西  
南星去極二十二度入氐宿二度半 紫微垣十  
五星其左懸樞去極二十七度半入房宿一度  
右懸樞去極二十一度入亢星八度 天乙一星  
去極二十度半入亢宿一度半 太乙一星去極  
二十一度入羽星一度 內厨二星距西南星去  
極十九度半入軫宿十一度 天厨六星距大星  
去極二十四度入斗宿二十二度 內階六星距  
西南星去極二十三度入井宿二十六度 八穀  
八星距西南星去極三十一度半入畢星三度  
傳舍九星距西第四星去極二十八度半入胃宿  
五度 闕道六星距南星去極四十八度入奎宿  
四度半 策一星去極三十三度半入壁宿五度  
鈞九星距大星去極二十四度入危宿初度  
扶箱七星距南第一星去極三十二度半入斗宿  
六度 北斗七星天樞去極二十三度半入張宿



十度 攝光去極三十五度入角宿九度 輔一

星去極三十度入角宿三度 天理四星極東南

去極二十八度入翼宿九度 三公三星距東星

去極三十五度少入角宿六度 三師三星距西

星去極二十一度入張宿初度半 文昌六星距

西南星去極三十四度半入柳宿二度半 天牢

六星距西北星去極二十八度半入張宿六度

天相一星去極三十三度入軫宿四度 勢四星

去極三十一度入翼宿二度 天槍三星距大星

去極三十二度半入氏宿初度 天棒五星距南

星去極四十四度入箕宿三度

先公曰古今志天文者述天官星之名義大畧

皆同兩朝志亦出入晉隋三史但此能言其去

極若干度入某宿若干度爲異耳

宋中興天文志坎正北方也北極不於坎乾而於

艮丑以艮東北萬物之所成終兩所成始也作歷

者逆推而上之以至於數十百載必得日月合璧

五星連珠於建牛之次然後用之爲歷元爲建斗

丑辰分野萬物成終成始之地也故北極則居其方爲天之極而七政則會其分爲應之元當七政會其分之時亦必纏連適當其方次天道自然知者鮮矣此其辨之一曰北極第二星最赤明者星圖謂之帝而勾陳口中又爲天皇大帝非是按巫咸通元經寶鏡圖北極五星勾陳六星在紫微宮中太子一而帝二也此當辨曰賈逵張衡蔡邕王蕃陸績皆以紜星爲不動處晉志謂北辰爲最尊者是也孔子曰譬如北辰居其所而衆星拱之言於天象爲至尊是於五星爲第一而志反以第五例置之甚此當辨夫不以紜星之居其所衆星拱者爲帝而以從極之赤明者爲帝則異乎吾孔子云此當辨北辰一星不爲帝而指勾陳口中星爲天皇大帝豈居其所非大而不居其所爲大乎口中一星卽大帝之座不當遂指爲天皇大帝遂以爲耀魄寶此當辨志曰北極五星其紜星天之樞也第一星主月太子也第二星主日帝王也亦太乙之座謂最赤明者也第三星主五星庶子也非

是按天象列星圖亦以一爲太子二爲帝王三爲庶子而餘星則爲後宮乾象新書所載傳言亦以


一主月爲太子二主日爲帝王而三則以爲主五行四則以爲主諸王五則以爲主庶子核其說皆非是而未暇辨所辨者日月五星各分所主而非其義也藉令必有所主則主者惟帝耳太子何得分主五星爲帝乃獨主日乎此當辨天官書前漢志及春秋合成圖曰中宮天極星其一明者太一常居旁三星三公或曰子屬後勾四星未大星正妃餘三星後宮之屬也孝經援神契曰辰星後妃四星從端大妃光明二說大畧相類然考之經觀之象則指三星爲三公固不可而又以三星爲子屬尤不可且旣以爲三公又以爲子屬則旁二星耳太子一庶子一豈又有子屬乎宮前三星曰三公內座杓南三星及魁上三星曰三公三孤後豈此又有三公乎所謂後勾四星勾曲抱極志謂四輔星也則言未大星正妃餘三星後宮之屬者與言后妃四星從端大妃光明者皆非是此當辨

夫以四輔未大星爲妃者固非是而志則曰勾陳後宮也大帝之正妃也亦非是勾陳實主六軍大司馬巫咸曰主天子護軍卽不當以爲後宮又不當以爲正妃此當辨曰然則北極五星之辨如何聞之師云天樞經星在四輔宮者是爲天皇大帝其神曰耀魄寶此是也而彼所指勾陳中一星爲耀魄寶者非也故初一日帝次二曰后次三曰妃次四曰太子乃其赤明者也次五日庶子因知中宮帝當以孔子所稱北辰爲據其精北極星其神耀魄寶太公望聞天書不謬此其辨之二 又曰極星之在紫垣萬神所宗七耀三垣二十八宿衆星所拱是北極爲天文之正中而自唐以來歷家以儀象考測則中國南北極之正實去極星之北一度有半此蓋中原地勢之度數也

中興更造渾儀而太史局令丁師仁言臨安府地勢何南於北辰極高下當量行移易局官呂棻言渾天無量行更易之制若用於臨安與天參合移之他往必有差忒於此罷儀後十餘年邵謂鑄儀

則果用臨安北極高下爲之以今清臺儀仗之實  
去極星四度有奇焉若列星諸宿去極之度數與  
赤道之遠近則清臺一遵皇祐所測無所更易舊  
史已具茲不復言

# 太微垣圖



太微宮

上元天庭太微宮昭昭列象在蒼穹端門只是門之中左右執法門西東門首阜衣一謁者以次卽是烏三公三黑九卿公背傍五黑諸侯卿後行四箇門西主軒屏五帝內座於中正幸臣太子并從官烏列帝後從東定卽將虎賁居左右常陳卽位居其後後陳七星不相誤卽位陳東一十五兩面宮垣十星布左右執法是其數宮外明堂布政宮三箇靈臺候雲雨少微四星西南隅長垣震震微畔居北門西外接三

# 台與垣相對無兵災

太微垣十星在翼軫北張衡云天子之宮庭五帝之坐十二諸侯府也其外藩九卿也一日轅軒爲權太衡爲衡衡主平也隋志云又爲天庭理法平辭監升授德列宿受符諸神考節舒情稽疑也南藩中二星間曰靖門東曰左執法廷尉之象也西曰右執法御史大夫之象也執法所以舉刺凶奸者也左執法之東左掖門右執法之西右掖門也東藩四星南第一曰上相其北東太陽門也第二星曰次相其北中華東門也第三星曰次將其東北太陽門也第四星曰上將所謂四輔也西藩四星南第一星也上將其北西太陽門也第二星曰次將其北中華西門也第三星曰次相其北西太陽門也第四星曰上相亦四輔也東西藩有芒及動搖者諸侯謀天子也執法移則刑罰尤急月五星入太微軌道吉其所犯中坐成刑謁者一星在太微內在執法東北主贊賓客也不見外國不賓



服講者東北三星曰三公內坐朝會之所居也張  
衡云以輔弼帝者其名與夾斗三公同三公北三  
星曰九卿內坐主治萬事與天紀同占九卿西五  
星曰內五諸侯內侍天子不之國也辟雍之禮得  
則太微諸侯明屏四星在端門內帝坐南近右執  
法屏所以擁蔽帝庭也執法主刺舉星明潤則君  
臣有禮黃帝內坐一星在太微中舍樞紐之神也  
天子動得天度止得地意從容中道則太微五帝  
之座明以光黃帝座不明人主當求賢士以輔治  
不然則奪勢又曰太微五星坐小弱青黑天子國  
亡四帝內座四星夾黃帝座東方星蒼龍鬚威仰  
之神也南方星赤帝赤熒怒之神也西方星白帝  
白招矩之神也北方星黑帝叶光紀之神也張衡  
云五帝同明而光則天下歸心不然則失位金火  
水入大微若順入軌道同其出之所守之分則爲  
天子所誅也北座東北一星曰幸臣主親愛臣明  
則幸臣用事微緇吉太子一星在幸臣西五帝坐  
北儲貳之星明而潤則太子賢不然則否金火守

入太子不廢則爲篡逆之事從官一星在太子西  
北主從官不見則帝不支如常則吉郎將一星在  
郎位西北所以爲武衛張衛云今左右中郎將是  
也大明芒角將恐不可當也虎賁一星在太微西  
藩之外上將之西下台之南靜室龍頭之騎官也  
張衛云主侍從之武臣也與車騎同占常陳七星  
如畢衆在郎位北天子宿衛虎賁之士以設強毅  
也星搖動天子自出明則武兵用微則武兵弱郎  
位十五星又云二十四星在帝座東北一曰依烏  
郎位也周官之元士漢官之光祿中散騎諫議議  
郎三署郎中是其職也張衛云今之尚書郎也欲  
其大小相均光潤有常吉隋志郎位主守衛也其  
星明大臣有劫主又曰客犯上其星不具后死幸  
臣誅客星入之大臣爲亂明堂三星在太微西南  
角外天子布政之官也明吉驛凶明堂西三星曰  
靈臺主觀雲物察符瑞候災變也占與司怪同少  
微長垣二坐星已釋在張星之次矣三台六星兩  
兩居起文昌列招搖太微一星天柱三公之位也

在天曰三台主開德宣符也西近文昌二星曰上台爲司命主壽次二星對軒轅日中台爲司中主德塞違也又曰三台爲天階太一躡以上下一曰泰階上階上星爲天子下星爲女主中階上星爲諸侯三公下星爲卿大夫下階上星爲士下星爲庶人所以和陰陽而理萬物也其星有變各以所主占之君臣和集如其常度張衡云色齊明而行列相類則君臣和法令平不齊爲乖度金火守入兵起彗孛尤甚也

宋兩朝天文志太微十星右執法去極八十四度入翼宿十二度半左執法去極八十六度入軫

宿初度半 謂者一星去極八十三度入軫宿一

度 三公三星距東星去極八十四度半入軫六

度 九卿三星距西北星去極七十五度入軫七

度 內五諸侯五星距西星去極七十度入軫一

度 五帝座五星距中大星去極七十一度半入

翼十一度 屏四星距西南星去極八十度入翼

十度 太子一星去極六十六度半入翼十一度半 從官一星去極六十四度半入翼八度半 幸臣一星去極六十六度半入翼十五度 卽位十五星距西南星去極六十度入翼十八度 卽將一星去極四十七度半入軫十一度 常懷七星距東星去極五十一度半入軫初度 虎賁一星去極六十二度少入翼二度 宋中興天文志曰太微垣有五帝坐五帝內座又列乎紫宮何也曰五帝常居太微而入觀乎紫宮故有內座也然則五帝何帝也此志所謂靈威仰赤熛怒舍樞紐白招拒叶光紀之神也有天皇帝而又有五帝何也五帝在天主五行在地主五獄分方主事以輔天皇者昔周公郊祀后稷以配天斯北極紫微中宮天皇大帝也而宗祀文王于明堂以配上帝則宮南太微五帝也此月令明堂所以分五宮祀五帝也



天市垣

下元一宮名天市兩扇垣墻二十二當門六箇黑市樓門左兩星是車肆兩箇宗正四宗人宗星一變亦依次帛度兩星屠肆前候星還在帝座邊帝座一星常光明四箇微茫宦者星以次兩星名列肆斗斛帝前依其次斗是五星斛是四垣北九箇貫索星索口橫者七公成天紀却似七公形數著分明多兩星紀北三星名女牀此坐還依織女傍三垣之象無相侵二十八宿隨其陰水火木土并與金以次別有五行

吟

天市垣二十二星在房心東北主權衡土聚衆一  
曰天旗庭主斬戮之事也市中星衆潤澤則歲實  
星稀則歲虛災或守之數不忠之臣又曰若怒角  
守之者臣殺主彗星出爲徙市易都客星入之兵  
大起出之有貴喪張衡云天市明則市利急商人  
無利忽暗則反是市樓六星在市中臨箕星之上  
主司闕開明則吉暗則市利不理也隋志市纒者  
市府也主市價律度其陽爲金錢其陰爲珠玉變  
見各以所主占之車肆二星在天市垣南門之內  
主車駕不明則國車盡行隋志主衆賈之區宗正  
二星在帝坐東南宗大夫也彗星守之若失色宗  
正有事客星守動則天子親屬有變又曰客星守  
之貴人死又曰宗正明則宗室有秩暗則國家凶  
宗人四星在宗正東主錄親疎享祀如綺而明正  
族人有序宗星二星在宗人東北侯星之東宗室  
之象帝輔血脈之臣也客星守之宗人不和帛度

二星在宗室星東北主度量明則尺量平商人欺  
暗則否屠肆二星在帛度東北主烹宰明大則肆  
中多宰殺候一星在帝坐東北主何陰陽也明大  
明輔臣強西夷開侯細微則國安亡則主失位移  
則主不安居常則吉帝座一星在天市中候星西  
天庭也光潤則天子吉或令行微細凶大人富之  
或云暗則大人不正張壽云帝坐者帝王之坐帝  
坐有五一坐在紫微宮一坐在太角一坐在心中  
一坐在天市垣一坐在太極宮成云帝坐一曰神  
農所居不見則大人富其咎宦者四星在帝坐西  
南帝傍之闕人也星微則吉明則凶非其常宦者  
有憂其占與勢星同列肆二星在斛西北主寶玉  
之貨移徙則列肆不安火守入兵大起斗五星在  
宦者西南主平量覆則歲熟仰則大饑明暗與帛  
度同斛四星在市樓北亦曰天斛主星者也占與  
斗同貫索九星在七公前一曰連索一曰連管一  
曰天牢主法律禁暴強也牢口一星爲門欲其開  
也九星皆明天下獄頌七星見小赦五星見大赦



動則斧鑕用中宮則更元漢志云十五星張衡云  
貫索開有赦不見則刑獄簡若閉口入星入牢中  
有繫死者常以子午夜候之一星不見則有小喜  
二星不見賜祿三星不見人主得令行且赦若客  
星出視其小大大有大赦小有小赦或云貫索爲  
賊人之牢一星芒有喜事二星芒賜爵祿二星芒  
有赦門閉牢中多死水犯災火犯米貴七官七星  
在招搖東天之相也三公之象張衡云七公橫列  
貫索之口主列法列善惡之官也星齊正則國法  
平差長則獄多冤酷或云星入河米貴火犯之兵  
起天紀九星在貫東九卿也爲九河主萬事之紀  
理冤訟也明則天下多詞訟亡則正理壞國紀亂  
散絕則地震山崩女牀三星在天紀之北爲後宮  
御女主女事明則宮人恣意常則無咎

宋曆朝天文志天市垣二十二星東西列各十一  
星其東垣南第一星曰宋第二星曰南海第三星  
曰燕第四星曰東海第五星曰徐第六星曰吳越  
第七星曰齊第八星曰中山第九星曰九河第十

星曰趙第十一星曰魏其西垣第一星曰韓第二  
星曰楚第三星曰梁第四星曰巴第五星曰蜀第六  
星曰秦第七星曰周第八星曰鄭第九星曰晉第十  
星曰河間第十一星曰河中東垣南第一星曰  
宋去極一百五度半入危宿七度 西垣第一星  
韓去極九十八度半入心宿五度 市樓一星距  
東南星去極九十八度入尾宿十二度 車肆二  
星距西大星去極一百度入尾宿三度 斛四星  
距西南星去極八十七度半入尾宿三度 列肆  
二星距東星去極八十六度入心宿三度半 布  
座一星去極七十五度入尾宿十度 候一星去  
極七十八度半入尾宿十六度 宦者四星距南  
星去極七十六度半入尾九度半 斗五星距東  
大星去極七十九度入尾六度半 宗正二星距  
北星去極八十五度半入尾十六度 宗人四星  
距大星去極八十六度入箕一度 宗室二星距  
北大星去極八十度半入箕五度 帛度二星距  
西星去極六十九度少入箕三度 屠肆二星距

西星去極六十八度半入箕宿三度


宋中興天文志天市垣中一星明大者謂之帝座  
帝座東北一星爲后舊誤作候西南三星爲妃舊  
失其位妃北一星在帝右后北一星在帝左是爲  
左右常侍妃南四星爲宦寺宦寺南一星爲闈人  
闈人南四星爲內屏此其別也而舊乃以右常侍  
一星及妃三星爲宦者又以宦寺闈人合五星爲  
斗又以內屏四星爲斛皆誤也

又曰凡三垣紫宮在中天市在紫宮之東北太微  
在紫宮之東南而大角在紫宮之正東故天市在  
大角左太微在大角左大角一隋志雜之衆星中  
謂之天王座其說不自司馬遷云大列者天王帝  
庭其兩旁各有三星彙足勾之曰彙提攝提者直  
斗柄所指以建時節故曰彙提格雖於衆星中頗  
表而出之亦未得傳也故凡曰天王座曰天王帝  
廷曰直斗柄所指以建時節皆非是

東方 蒼龍七宿

宋中興天文志石氏云東宮青帝其精蒼龍爲七宿其象有角有亢有氐有房有心有尾有箕氏胸房腹箕所糞也司春司木司東獄司東方司鱗蟲三百有六十蒼龍爲鱗蟲之長

# 角 星 圖



角兩星南北正直著中有平道上天田總是黑星兩  
相連別有一烏各進賢平道右畔獨淵然最上三星  
周鼎形角下天門左平星雙雙橫於庫樓上庫樓十  
星屈曲明樓中五柱十五星三三相似如鼎形其中  
四星別名衡南門樓外兩星橫

角二星十二度爲主造化萬物布君之威信謂之  
天闕其間天門者其內天庭也故黃道經其中七  
曜之所行也其明則太平芒動則國不寧日食右  
角國不寧月食左角天下道斷金火犯有戰敵金  
守之大將持政左角爲天田爲理主刑其南爲太  
陽道五星犯之爲旱右角爲將主兵其北爲太陰  
道五星犯之爲水蓋天之三門猶房之四表也左  
右角間二星日平道爲天子八達之衢明正則吉


動搖則法駕有虞天田主天子畿內封疆金守之  
主兵火守之主旱水守之主滌平道西一星日進  
賢在太微宮東明則賢者在位暗則在野又曰主  
星者主這才屬彙三星在攝提西國之神器也不  
見或移徙則運祚不寧天門二黑星在平星北角  
之南主天之門爲朝聘待容之所明則四方歸化  
不見則兵革起邪佞生平星二星在庫樓北平天  
下之法獄廷尉之象也庫樓十星其六大星爲庫  
南四星爲樓在角南一曰天庫兵車之府也旁十  
五星三三而聚者柱也中央四小星衛也主陳兵  
其占曰庫中星不見兵四合無星則下臣謀上明  
而動搖則兵出四方盡不見則國無君庫樓東北  
二星曰陽門主守隘塞也南門二星在庫樓南天  
之外門也主守兵明則遠方入貢暗則夷狄叛客  
星守之主兵至

宋兩朝天文志角二星距南星去極九十七度半  
庫樓二星距西北星去極一百二十三度入軫  
十五度半 南門二星距西星去極一百三十七

度入軫十一度 平道二星距東星去極九十一  
度入角二度 天門二星距西星去極一百四度  
半入軫十六度 平星二星距西星去極一百九  
度半入軫十六度 天田二星距西星去極八十  
二度半入羽二度半 周鼎三星距東北星去極  
六十四度半入角宿七度半



亢宿之圖




亢四星恰似彎弓狀大角一星直上明折威七子亢  
下橫大角左右攝提星三三相似如鼎形折威下左  
頓頓星兩箇斜安黃色精頓南二星號陽門色若頓  
頭直下存

亢四星九度日月之中道主天子內朝天下之禮  
法也又日總攝天下奏事聽訟理獄錄功者也亦  
爲疏廟主疾疫其星明大四海歸王輔臣納忠人  
無疾疫移動多病不見則天下累涕而旱滂作矣  
大角一星在攝提間天王坐也又爲天子梁棟金  
守之則兵起日食主凶亢南七黑星日折威主斬  
殺金火守之夷狄犯邊將有棄市者攝提六星直  
斗柄之南主建時節伺機祥攝提爲盾以夾據帝  
坐也主九卿明大三公忝構客星入之聖人受制  
一日大臣之象頓頓二星在折威東南主考囚察

情偽也陽門在庫樓東北主邊塞險阻之地客星出陽門夷狄犯邊

宋兩朝天文志亢四星距南第二星去極九十六度攝提六星其右距北大星去極六十七度入亢七度其左距南星去極七十二度半入亢七度太陽門二星距西星去極一百一十三度入角十度折威七星距西第三大星去極一百三度入亢三度大角一星去極六十六度入亢二度半顛頑二星距東南去極一百一十六度半入亢四度

氏宿圖




氏四星似斗側量米天乳氏上黑一星世人不識稱  
無名一個招搖梗河上梗河橫列三星狀帝席三黑  
河之西亢池六星近構提氏下眾星騎官出騎官之  
眾二十七三三相連十欠一陣車氏下騎官次騎官  
下三車騎位天輻兩星在陣傍將軍陣裏振威霜

氏十六度下二尺爲五星日月月中道爲天子之路  
寢明則大臣妃后奉君不失節如不見或移動則  
臣將謀內禍亂生矣日月食主內亂木犯之立妃  
后火犯臣僭上金犯拜將水犯百官憂客星犯婚  
禮不整誓字犯暴兵起月暈人不安一曰氏爲后  
妃之府休解之房前二星躡也後二星妻也將有  
徑役之事氏先動星明大則民無勞天乳在氏北  
主甘露明則潤澤甘露降招搖一星在梗河北次

北斗柄端主胡兵芒角變色搖動則兵革大起梗  
河二星在大角北天子備不虞其色變動有兵喪  
帝席三星在大角西北天子燕樂戲壽之所其星  
不見大人失位亢池六黑星爲泛舟楫主迎送移  
徙則凶騎官二十七星在氐南天子騎士之象星  
衆則安不見兵起車騎三黑星在氐西騎官之上  
都車馬之將也金火犯爲災動搖車騎行天輻雨  
黃星在房西主鸞駕客星來守之則輦轂有憂也  
騎薄將軍一星在騎官東南主騎將也搖動則騎  
將出

宋雨朝天文志氐四星距西南星去極一百四度  
半亢池六星距北大星去極七十度半入亢三度  
天乳一星去極九十二度入氐十四度 招搖一  
星去極五十一度入亢四度半 梗河三星距大  
星去極五十九度入氐二度 騎宮二十七星距  
西北星去極乙百二十度入氐宿初度 車騎三  
星距東南星去極一百四十度入氐二度 帝席  
三星距東星去極六十七度半入氐宿一度半

房宿圖



房四星直下主明堂鍵閉一黃斜向上鈎鈴兩箇近  
其傍罰有三星直鍵上兩咸夾罰似房牀房西一星  
號爲日從官兩箇日下出

房六度爲明堂天子布政之宮也亦曰輔也下第  
四星上將也次次將也次次相也上星上相也南  
二星君位北二星大人位又爲四表中間爲天爵  
也天道亦謂之天關黃道之所經也南間曰陽環  
亦曰陽道其南曰太陽北間曰陰間亦曰陰道其  
北曰太陰七曜由于天曜則天下平和由陽道則  
主旱喪由陰道則主水兵房星亦曰天駟爲天馬  
主車駕南星曰左驂次左服次右服次右驂亦曰  
天廐又主開閉爲蓄藏之所由也房星明則王者  
明驂星大則兵起星離則人流日月食主昏亂權  
臣橫彗孛犯之兵起下二星爲陰五星犯之爲水  
上二星爲陽五星犯之爲旱房北二小星曰鈎鈴



房之鉤鑿天之管籥主閉藏鑿天心也王者孝則鉤鉤明近房天下同心達則天下不和王者絕後房鉤鉤間有星及疎拆地動河清東咸西咸各四星在房星北日月五星之道也爲房之戶所以防淫佚也明則吉暗則凶日月五星犯守之有陰謀火守之兵起罰三星在東咸正西南北而立主受金贖罪正而列則法令太平曲而斜行則刑罰不中日一星在房中道前太陽之精主明德金火犯

守之有憂從官二星在積卒西北



宋兩朝天文志房四星距南第二星去極一百一十四度半 鍵閉一星去極一百八度入房四度 罰三星距南星去極一百八度入心一度半

東咸四星距西南星去極一百一十一度入心一度 日一星去極一百一十三度入心十四度半

從官二星距四星去極一百二十二度入心十四度 鉤鉤二小星去極一百九度半入房二度 半中興天文志甘氏云日一星在房之西氏之東日者陽宗之精也爲雞三足爲鳥二足雞在日中

而烏之精爲星以司太陽之行度日生於東故於是在焉


心宿圖



心三星中央色最深下有積卒共十二三三相聚心下是

心六度一名大火天王位也中星曰明堂爲大辰天子之正位也前星爲太子不明則太子不得位後星爲庶子明則庶子繼心上四星爲日月五星之中道中心明則化成道昌直則地動移徙不見國亡又曰心變黑色夫人有憂直則王失勢動則國有憂離則民流金火犯血光不止土木犯吉日月食吉月暈兵起火來守之國無主客星及孛犯天下兵荒積卒十二星在房心西南五營軍士也微而小則吉明大搖動兵大起一星亡兵出二星亡半出三星亡兵出盡他星守之兵大起近臣誅宋兩朝志心三星距西前星去極一百一十四度半積卒十二星距大星去極一百二十六度半入氐宿十五度

尾宿圖



尾九星如鈞蒼龍尾下頭五點號龜星尾上天江四  
橫是尾東一星名傳說傳說東畔一魚子尾西一室  
是神宮所以列在后妃中

尾十九度后妃之府後宮之場也北之一丈爲天  
之中道上第一星后也次三星夫人次則嬪妾第  
三星旁一星名曰神宮解衣之內室尾亦爲九子  
星色欲均明大小相承則后妃無妬忌後宮有叙  
多子孫星微細暗后有憂疾踈遠則后失勢動移  
則君臣不和天下亂就聚則大水木犯之及月暈  
則后妃死火犯宮中內亂土犯吉木犯宮中有事  
客星犯大臣誅日月食主饑一日金火守之後宮  
兵起龜五星在星南漢中主占定吉凶明則君臣  
和不明則爲乖戾亡則赤地千里火守之兵起在  
外守之兵譖天江四星在尾之北主太陰不欲明  
明而動水暴出參差則馬貴其星不具則津河關


道不通災感守之有立主客星入河津絕傳說一  
星在尾後河中主後宮女巫巫祝祀神靈祈禱子孕  
故曰主王后之內祭祀以求子孫詩云克禋克祀  
以弗無子此之象也其明星大王者多子孫小而  
暗後宮少子動搖則後宮不安星搖則天子無嗣  
魚一星在尾後河中主陰事知雲雨之期也大明  
則陰陽和風雨時暗則魚多亡動搖則大水暴出  
漢中則大魚多死火守在南則旱在北則水起  
宋兩朝天文志尾九星去極一百二十七度半  
龜五星距南第二星去極一百一十四度半入尾  
宿十度 魚一星去極一百二十六度入尾宿十  
五度半 傳說一星去一極百八度半入尾宿十  
四度

中興天文志石氏云傳說者章祝女巫官一名太  
祝司天王之內祭祀以祈子孫故有太祝以傳說  
於神宮或讀傳爲傳遂爲之般相說自莊周妄言  
夾深鄭氏曰按傳說一星惟主後宮女巫巫禱祠求  
子之事謂之傳說者有傳母有保母傳而說者謂

傳母喜之也今之婦人求子皆祀婆神此傳說之義也偶商之傳說與此同音諸子家更不詳審其義則曰傳說騎箕尾而去殊不知箕尾專主後宮之事故有傳說之佐焉

按傳說商之良宰輔也而其星則所主者官中禱祠以祈子孫其事不類故先儒疑之然諸星中所謂軒轅社稷造父奚仲王良皆古人之名蓋在天爲天神在人爲聖賢於理有之今疑其不類而改以爲傳說則過矣

箕 宿 圖





箕四星形狀似簸箕箕下三星名木杵箕前一黑是糠皮

箕十一度亦謂之天津後宮妃后之位上六尺爲天之中道箕一日天雞主入風凡日月宿在箕東壁與軫者風起又主口舌主客蠻夷胡霜故蠻夷將動先表箕焉星大明直剛五穀熟君無譏間諒暗則無君世亂五穀貴蠻夷不伏內外有差就聚細微天下憂動則蠻夷有使來離徙則人流若移入河國笑人相食月暈金大犯之兵起流星犯大臣叛日宿其野風起杵三星在箕南主杵日之用也糴爲豐橫爲饑移徙人失業不見人相食客星入杵日天下有急變糠一星在箕口前杵日西北明則爲豐暗爲饑不見人相食

宋兩朝天文志箕四星距西北星去極一百二十一度半 杵三星距中心大星去極一百三十八度入箕宿三度 糠一星去極一百一十七度半



入尾宿十

七度半

北方 元武七宿

宋中興志石氏云北方黑帝其精元武爲七宿斗  
有龜蛇蟠結之象牛蛇象女龜象虛危室壁皆蛇  
龜蟠結之象司冬司水司北嶽司北方司介蟲二  
百有六十五奕曰龜不獨介蟲之長也北冬令其  
氣蟄藏有縮  
藏之象焉

# 斗宿圖



斗六星其狀似北斗魁上建星三相對天弁建上三  
三九斗下圓安十四星雖然名鼈貫索形天雞建背  
雙黑星天籥柄前八黃精狗圍四方雞下生天淵十  
星鼈東邊更有兩狗斗魁前農家丈人斗下眠天淵  
十黃狗色元


斗二十五度天廟也亦曰天機五星貫中日月正  
道爲丞相大宰之位酌量政事之宜襄進賢良稟  
授爵祿又主兵南二星鼈天梁也中央二星天相  
也北二星天府建也亦爲壽命之期將有天子之  
事占於南斗星盛明君臣一心天下和平爵祿行  
芒角動搖天子愁兵起移徙其臣逐日月五星逆  
入斗天下流蕩卒犯之兵起星小暗則廢宰相及  
死鼈十四星在南斗南鼈爲水虫歸太陰有星守

之白衣會主有水火守之旱建六星在斗背亦曰天期臨於黃道天之都關也建斗之間七曜之道建爲謀事爲天鼓爲天馬南二星天庫也中央二星天市也鎮鎮也主二星旗節也建動搖則人勞月暈蛟龍見牛馬疫月食五星犯守大臣相譖臣謀主爲關梁不通有大水天弁九星在建星北入河中宮之長也主列肆闖闖若市籍之事以知市珍也星明則吉彗星犯守之糶糶兵犯天雞二星在狗國北主候時也金火守入兵大起天籥八星在斗南斗杓西主鎮籥闢閉明吉暗凶狗國四星在建東北主鮮卑烏丸沃沮明則兵寇作金火犯守外夷有變太白逆守其國亂客星守犯之有大盜其王且來天淵十星在鼈東南一日天海主漑灌火守之大旱水守之大水一日主海中魚鼈狗二黑星在斗魁前主吠守防姦罔也不居常處爲大災農丈人一星在南斗西南老農主稼穡也其占與糠畧同

宋雨朝志南斗六星距西第三星去極一百一十

九度 離十四星距東大星去極一百三十度入  
斗五度 天弁九星距西大星去極九十九度半  
入斗宿初度 建六星距西星去極一百一十三  
度入斗宿四度 天籥八星距西大星去極一百  
一十四度入尾宿十九度 狗二星距東大星去  
極一百一十八度入斗宿十二度 天淵十星距  
中星去極一百二十九度入斗宿十七度 天雞  
二星距西星去極一百一十度入斗宿十六度半  
狗圍四星距西北星去極一百二十度入斗宿  
十八度 農丈人一星去極一百二十四度半入  
箕宿六度半

# 牛 宿 圖



牛六星近在河岸頭頭上雖然有兩角腹下從來欠  
一足牛下九黑是天田田下三三九坎連牛上直建  
三河鼓鼓上三星號織女左旗右旗各九星河鼓西  
畔右邊明更有四黃各天桴河鼓直下如連珠羅堰  
三烏牛東居漸臺四星如口形輦道東足連五丁輦  
道漸臺在何許欲得見時近織女

牛七度天之關梁日月五星之中道主犧牲其北  
二星一日卽路二日聚火又日上一星主道路次  
二星主關梁次三星主南越甘氏日主二星主道  
路次二星主關梁坎二星主南夷中一星主牛移  
動則牛多殃明大則王道昌其星曲則糶貴又曰  
星明大則關梁通牛貴怒則黑馬貴不明失常穀



不登細則牛賊中星移上下午多死小星立則牛  
多疫月暈損積金火犯之兵災水土犯之吉天田  
九星牽牛南太微東主天子畿內之田其占與角  
之天田同九坎九黑星在天田東主溝渠所以導  
達泉源流馮盈溢明盛則有災夷狄侵邊不明則  
吉河鼓三星在牽牛北天鼓也主軍鼓及鈇鉞一  
曰三武主天子三將軍中央大星爲大將軍左星  
爲左將軍右星爲右將軍左星南星也所以備關  
梁設險阻而拒難也明大光潤將軍吉動搖差度  
亂兵起直則將有功曲則將失律右虛左護各九  
星在河鼓左右皆天之旗鼓也旗星明潤將軍吉  
動搖兵起怒則馬貴旗端四星南北列曰天桴鼓  
桴也星不明漏刻失時動搖軍鼓用桴鼓相直亦  
然織女三星在河北天紀東端天女也主巢窟絲  
綿寶玉也王者至孝神祇咸喜則織女星俱明天  
下和平大星怒焉布帛貴又曰三星俱明女功善  
暗而欲天下女功廢不見兵起東足四星日漸臺  
臨水之臺也主漏刻律呂之事西足五星日輦道

天子遊嬉之道金火守之御路兵羅環三星在牽  
牛東主疑塘壅蓄水潦灌澆田苗大而明大水泛  
溢



宋兩朝天文志牛六星距中央大星去極一百八  
度半 天田九星距西北星去極一百一十六度  
半入斗宿二十二度 九坎九星距大星去極一  
百四十一度半入斗宿二十九度 左旗九星距  
西第四大星去極七十三度半入斗宿二十四度  
天桴四星距大星去極九十四度入斗宿二十  
四度半 羅環三星距北星去極一十九度入牛  
宿四度 漸臺四星距東南星去極五十八度入  
斗宿十度 輦道五星距西北星去極四十七度  
半入斗宿十一度半 織女三星距大星去極五  
十二度半入斗宿五度

夾深鄒氏曰按張衡云牽牛織女七月七日相見  
者卽此也古雅云河鼓謂之牽牛又歌曰東飛百  
勞西飛燕黃姑織女時相見黃姑卽河鼓也音訛  
耳

容齋洪氏隨筆曰宋蒼梧王當七夕夜令楊玉夫  
何織女渡河曰見當報我不見當殺汝錢希白洞  
微志載蘇德哥爲徐肇祀其先人曰當夜半可以  
蓋候鬼宿渡河之後翟公巽作祭儀十卷云或祭  
於春或祭於旦皆非是常以鬼宿渡河爲候而鬼  
宿渡河常在中夜必使仰古以候之葉少蘊云公  
巽博學多聞援證皆有據不肯疎疎同衆所見必  
過人予按天下經星終古不動鬼宿隨天西行春  
昏見於南夏晨見於東秋夜半見於東冬昏見於  
東支有所謂渡河及常在中夜之理織女昏晨與  
鬼宿正相反其理則同蒼梧王荒悖小兒不足笑  
錢翟葉三公皆名儒碩學亦不深考如此杜詩云  
牛女謾愁思秋期猶渡河牛女年年渡何曾風浪  
生梁劉孝儀詩云欲待黃昏至含嬌渡淺河唐人  
七夕詩云皆有此說此自是牽俗遺詞之過故杜  
老又有詩云牽牛出河西織女處其東萬古永相  
望七夕誰見同神光終難候此事竟朦朧蓋自洞  
曉其實非他人比也

女宿圖

天津



秦

周

魏

韓

代

楚

晉

燕

越

鄭

趙

齊

女四星如箕主嫁娶十二諸國在下陳先從越國向東論東西兩周次二秦雍州南下雙鴈門代國向西一晉伸韓衛各一晉北輪楚之一國魏西屯楚城南畔獨燕軍燕西一郡是齊隣齊國兩邑平原君欲知鄭在越下存十六黃星細區分五箇離珠女上星敗瓜珠上瓠瓜生兩箇各五瓠瓜明天津九箇彈弓形兩星入牛河中橫四箇奚仲天津上七箇仲側扶筐

星

女十一度下五尺爲日月月中道天之少府也謂之須女者須賤妾之稱婦織之卑者也主婦女之位

其星如婦功之式主布帛裁制嫁娶星明天下豐  
女功昌小暗則國藏虛移動則婦女受殃產死多  
后妃廢日月食國憂木犯立后火犯女喪金犯災  
土爭犯損蠶月暈婦人災又日水守之萬物不成  
火守之布帛貴人多死土守之有女喪金守之兵  
起十二國有十六星齊一星在九坎之東齊北二  
星日趙趙北一星日鄭鄭北一星日越越東二星  
日周周東南北列二星日秦秦南二星日代代西  
一星日晉晉北一星日韓韓北一星日魏魏西一  
星日楚楚南一星日燕其星有變各以其國離珠  
五星在須女北須女之藏府也爲女子之星非其  
故後宮亂客星犯之後宮凶瓠瓜五星在離珠北  
主陰謀主後宮主果食明則歲熟微則后失勢瓜  
果不登客星守之魚鹽貴旁五星曰敗瓜主種與  
瓠瓜畧同天津九星在虛危北橫漢中津梁所度  
明而動則兵起如流死人如亂麻參差不齊馬貴  
一星不備關梁不通三星不備覆陷天下星亡木  
災河溢水賊稱王奚仲四星在天津北古車正也

金火守之兵車必起扶箱七黑星主釁事見吉不見凶


宋兩朝天文志女四星距西南星去極一百四度半 十二諸侯十六星其趙距四星去極一百二十三度入牛宿四度 離珠五星距東北四星去極九十五度入牛宿六度半 敗瓜五星距南星去極八十二度半入牛宿六度 瓠瓜五星距西星去極七十九度入牛宿七度 天津九星距西稍星去極四十七度半入斗宿二十三度 奚仲四星距西北星去極三十八度入半宿十八度 宋中興天文志石氏云女一名娶女左傳昭公十一年有星出於娶女杜預注娶女爲既嫁之女繼女爲處女也 夾深鄭氏曰謹按天之所覆者廣而華夏所占者牛女下十二國耳牛女在東南故釋氏謂華夏爲南瞻部州其二十八宿所管者多十二國之分野隨其所隸耳

按鄭氏因牛女間有十二國星而以爲華夏所

占者只牛女二宿且引釋氏南瞻部州之說以爲證然以十二次言之牛女雖屬揚州而華夏之地所謂十二國者則不特揚州而已又揚雖可言東南而牛女在天則北方宿也與南瞻部州之說異矣且北斗七星其次舍自張而至於角星書以爲一主秦二主楚三主梁四主吳五主趙六主燕七主齊五車五星其次舍在畢星書以爲西北一星主秦東北一星主趙燕東南一星主魯衛中央一星主楚西南一星主魏然則北斗五車所主者亦此十二國而此二星初未嘗屬乎牛女也謂牛女專主華夏可乎



虛宿圖



虛上下各一如連珠命祿危非虛上呈虛危之下哭  
泣星哭泣雙雙下壘城天壘團圓十三星敗曰四星  
城下橫曰西三箇離瑜明

虛九度少彗冢宰之官也主色居廟堂祭祀之事  
又主風雲死喪下九尺爲天之中道明靜則天下  
平安搖動則有死喪哭泣日月食兵起流星犯賊  
亂宗廟五星犯有災虛北二星曰司命主舉通行  
罰滅不祥又北二星曰司祿主爵祿增延年德故  
在六宗之祀司危二星在司祿之北主驕佚司非  
二星在危之北主愆過凡此四司皆黑星明大爲  
災居常則平虛南二星曰哭主號哭也哭東二星  
曰泣主死明則國多哭泣金火守之亦然泣南十  
三星曰天星城如貫素形主北夷丁零匈奴敗日  
四星在虛危南知凶災他星守之饑兵起秦代東  
三星南北列曰離瑜離圭衣也瑜玉飾婦人之服

星也微則後宮儉約明大則婦人奢

宋兩朝天文志虛二星距南星去極一百度半

司命二星距西星去極九十二度入虛宿三度

司祿二星距西星去極九十度入虛宿四度 司

危二星距西星去極八十五度半入女宿八度

司非二星距西星去極七十九度半入女宿九度

半 哭二星距西星去極一百一十七度半入女

宿九度 泣二星距南星去極一百四度半入危


宿三度 天壘城十三星距西星去極一百二十

六度入女宿十一度 敗曰四星距北星去極一

百三十九度半入虛宿八度 離瑜三星距西星

去極一百二十八度入女宿九度

危宿圖




危三星不直日形如危上五黑號人星人畔三四杵  
日形人上七烏號車府府上天鈞九黃晶鈞上五鴉  
字造父危下四星號墳墓墓下四星斜虛梁十箇天  
錢梁下黃墓傍兩星能蓋屋身著黑衣危下宿

危十六度主天府天市架屋甘氏云爲天市廟堂  
下九尺爲天之中道架屋受蔽風雨墳墓祠祀如  
動則天下大動土功張衡云虛危等爲死喪哭泣  
之事亦爲邑居廟堂祠祀之事冢宰之官動則死  
喪哭泣火守則天子將兵金守則饑饉兵起虛危  
動則有土功火守則兵起水守則下謀上一云危  
動則不明土功兵革起月暈日月五星犯則有災  
車府東南五星曰人星有如人象主靜衆庶柔遠  
能通一日臥星主防濶不見則人有詐行詔書明  
則人安暗凶內杵三星在人星旁主軍糧正直下

日吉不相當糧絕不直民饑內日四星在人星東  
有主春日覆則大饑仰則大豐隋志云客星入杓  
日兵起天下聚米天津東南七星曰車府東近河  
邊抵司非主官車之府金火守之兵車大動天鈞  
九星如鈞狀在造父西河中主乘輦服飾法式直  
則地將動明則服飾正也傳舍南河中五星曰造  
父御官也一日司馬或曰伯樂星亡馬大貴明則  
言墳墓四星在危下如墓形主喪葬之事明則多  
死亡虛梁四星在蓋屋南主園陵寢廟非人所處  
故曰虛梁金火守入犯兵災大起天錢十星在北  
落西北主錢帛所聚占明則府藏盈不爾虛耗金  
火守之兵盜起蓋屋二星在危南主天子所居室  
亦爲官室之官金火守之國兵起彗星尤甚也  
宋兩朝天文志危三星距南星去極九十六度  
入五星距西南星去極七十度入虛宿六度半  
杓三星距南星去極六十一度半入危宿三度  
日四星距西南星去極六十九度半入危三度半  
車府七星距西第一星去極五十六度半入虛宿

四度半 造父五星距北星去極三十八度入危  
宿十一度 墳墓四星距中星去極九十六度入  
危宿五度半 虛梁四星距東西星去極一百度  
半入危宿八度 天錢十星距東北星去極一百  
一十八度入危宿三度 蓋屋二星距西星去極  
九十七度入虛宿九度

室宿圖





室兩星上有離宮出繞室三雙有六星下頭六箇雷  
電形壘壁陣次十二星十二兩頭大似井陣下分布  
羽林軍四十五卒三爲犖軍西四星多難論子細歷  
歷看區分三粒黃金名鉄鉞一顆眞珠北落門門東  
八魁九箇子門西一宿天綱是電傍兩黑土公吏騰  
蛇室上二十二

室十七度亦謂之營室甘氏爲太廟天子之宮也  
石氏謂之元宮一曰清廟又謂軍糧之府及土功  
事星明國昌小不明禍祀鬼神不享國多疾疫動  
則有土功兵出野離宮六星兩兩居之分布室壁  
之間天子之別宮也主隱藏休息之所全大守之  
則兵起室南六星日雷電主雷動蟄明或動則震

雷作壁陣十二星在羽林北橫列營室之南羽林之垣壘也星衆而明則安寧希而動則兵革起不見天下亂五星入天軍皆爲兵起金火水尤甚羽林四十五星三三而聚散在營室之南天軍也主軍騎又主翼王也星衆而明則安寧希而動則兵革起不見天下亂金火水守入兵起鉞鉞三星亦曰斧鑕在入魁西北主誅夷不明則斧鑕不用移動則兵起有星入之皆爲大臣誅北落師門一星在羽林西南天之藩落也亦曰天軍蓄之候門長安北門曰北落門以象此也主非常以候兵明大則軍安微弱則兵起金火守之有兵災一曰有星守之虜入塞北落東南九黑星曰入魁主張禽獸之官也客星入之多賊盜兵起金火入亦然北落西南一星曰天綱主武帳天子遊獵之所會金火守兵起室西南二星曰土公吏主土功之官也動搖則有修築之事隋志土公吏主司過度廢蛇二十二星在營室北若盤蛇之狀居於河濱謂之天蛇星主水蟲微則國安明則不寧移南大旱移北

大水容星守之雨水爲災木物不收

宋兩朝天文志室二星距南星去極入十度半

雷電六星距西南星去極入十七度入危室宿十

二度 壁障壘十二星距西大星去極一百十五

度入女宿十一度 羽林十五星距大星去極一

百一十七度入危宿十五度半 斧鉞三星距北

星去極一百三十度入室宿二度 北落師門一

星去極一百二十六度入危宿十一度半 入魁

九星距南星一百三十九度入壁宿四度半 天

綱一星去極一百二十九度入危宿五度 土公

二星距西星去極入十五度入壁宿初度 騰蛇

二十二星距中大星去極四十四度少入危宿九

度半


宋中興天文志曰甘長云雷電在室南霹靂在雷

電南雲雨在霹靂南土公吏在壁西南蓋雷公電

蛇雲將雨師與大霹靂斧吏皆北方水府之精而

輒嘗爲天門故其神棲焉室不得司之也

壁宿圖



霹靂



天文

三三

壁兩星下頭是霹靂靂霹五星橫着行雲雨次之曰  
四方壁上天廐十圓黃鉄鎖五星羽林傍土公雨黑  
壁下藏


壁九度下九尺爲天之中道主文章天下圖書之  
秘府也亦主土功明則圖書集道術行小人退君  
子進星失色大小不同天子重武臣賤文土圖書  
隱親黨同邪用星動則有土功難徒救聚爲田宅  
事日月食損賢臣五星孛犯兵起土功西南五星  
曰霹靂主興雷奮擊明而動用事不明凶霹靂南  
四星曰雲雨明則多雨水火守之大旱天廐十星  
在東壁北蓋天馬之廐今之驛亭也不見焉天下  
道斷鉄鎖五星在天倉西門刈具也主斬割飼牛  
馬明則牛馬肥微暗則牛馬飢餓并死喪也  
朱兩朝志壁二星距南星去極入十度半 霹靂  
五星距西星去極九十三度入危十五度 雲雨

四星距西北星去極九十五度入室宿五度 天  
底十星距西星去極四十九度半入壁宿初度

### 西方 白虎七宿

宋中興天文志石氏云西方白帝其精白虎爲七  
宿奎象白虎婁胃昂白虎三子也畢象虎背參象  
麟背首參身也司秋司金司西嶽司西海司西方  
司毛蟲三百有六十王奕曰蒼龍朱雀靈龜不獨  
靈之長也實爲王者嘉瑞故列宿象焉白虎奚預  
也曰白虎亦瑞獸也爾雅謂之魁騶虞之異名也  
不食生物食自死肉其性至仁五靈之一也以五  
行觀之蒼龍木也木得其性則蒼龍見朱鳥火也  
火得其性則朱鳥見靈龜水也水得其性則靈龜  
見白虎金也金得其性則白虎見與龍鳳龜俱爲  
王者之瑞故西方七宿配焉漢宣帝時南郡獲白  
虎宋元嘉中琅琊有白虎史臣俱以爲瑞而特書  
之也

奎宿圖



奎腰細頭尖似破鞋一十六星繞鞋生外屏七烏奎  
下橫屏下七星天濁明司空左畔土之精奎上一宿  
軍南門河中六箇閣道形附路一宿道傍明五箇吐  
花王良星良星近上一策名

奎十六度天之武庫也石氏謂之天豕亦曰封豕  
主兵九尺下爲天之中道又主溝瀆西南大星所  
謂天豕目亦曰大將明則天下安動則兵亂客星  
守入兵起金火守有水災隋志云若帝渴侯政不  
平則奎有角角動則有兵不出年中或有溝瀆之  
事又曰奎中星明水大出日月食五星犯皆有凶  
奎南七星曰外屏以蔽天濁也占與天囷同天濁  
七星在外屏南天之屬也不見則人不妄移徙亦  
然天濁南一星日土司空主水土之事大而黃明  
天下安若客入之多土功大下大疫軍南門一星




在將軍西南主誰何出入動搖則軍行不見則兵  
亂閣道六星在王良前飛道也從紫宮至河神所  
乘也一日主道里張衡云天子遊別宮之道一日  
王良旗一日紫宮旗亦所以爲旗表而不欲其搖  
動一星不具則輦道不通動搖則宮掖之內兵起  
附路一星在閣道南傍別道也侍閣道之敗復而  
乘之也一日太僕主禦風雨亦游從之義也一日  
占與閣道同王良五星在奎北居河中天子奉車  
御官也其駟星曰天駟旁一星曰王良亦曰天馬  
其星動爲策馬故曰王良策馬車騎滿野亦曰王  
梁梁爲天橋王禦風雨水道路或占津梁其星移  
主有兵亦曰馬病客星守之橋不通金火守之皆  
爲兵憂前一星曰策王良之御策也主天子僕御  
在王良旁若移在馬後是爲車騎滿野

宋隋朝天文志奎十六星距西南大星去極七十  
二度 外屏星距西星去極八十九度入壁宿八  
度半 天潤七星距西南星去極九十七度入壁  
宿三度 上司空一星去極一百一十五度少入

壁宿九度 單南門一星去極六十六度入奎宿  
十五度 附路一星去極三十五度半入奎宿五  
度 王良五星距西星去極三十七度入壁宿初  
度

婁宿圖





婁三星不勻近一頭左更右更烏夾婁天倉六箇婁  
下頭天庾三星倉東脚天上十一將軍候

婁十二度下九尺爲日月月中道亦爲天獄主苑牧  
犧牲供給郊祀亦爲典兵聚衆動搖則聚衆星直  
則有執主之命者就聚圍不安金火守之則宮苑  
之內兵起日月食宮內亂金木火土犯凶水犯吉  
李起兵月暈雨軍各退左更五星在婁東山虞也  
主知山澤林藪之事亦主仁智右更五是在婁西  
牧師也主官養牧牛馬亦主禮義金火守之山澤  
有兵其占兩更同兩更者秦爵名天倉六星在婁  
南倉穀所藏也星黃而大歲熟西南四星曰天庾  
積厨粟之所也天將軍十二星在婁北主武兵中  
央大星天之大將也外小星吏士也大將星攝兵  
起大將出小星不具兵起

宋兩朝天文志婁三星距中星去極七十五度半  
左更五星距西南星去極七十六度半入婁宿四

度半右夏五星距東北星去極七十五度入奎宿  
十四度 天倉六星距西北星去極一百四度半  
入奎宿十一度 天廩三星距中大星去極一百  
二十五度半入婁宿五度 天大將軍十二星距  
大星去極六十度半入婁宿四度

胃宿圖



星圖必究  
卷之一  
天文

五

胃三星鼎足河之次天廩胃下斜四星天囷十三如  
乙形河中八星名大陵陵北九箇天舡名陵中積尸  
一箇星積水船中一黑星


胃十五度天之厨藏五穀之倉又名大梁明時四  
時和平天下晏然倉實不明則上下失位星少則  
少穀輸運又云動則有輸運事就聚則豪貴人流  
暗則凶荒五星犯日月食李陵並有災天廩四星  
在昴南一曰天廩張衡云主積蓄黍稷以供享祀  
春秋所謂御廩也天囷十三星在胃南倉廩之屬  
主給御糧也明而黃則歲豐微變常色則不吉金  
火守之卽災起大陵八星在胃北主陵墓明而大  
或中身多則天下多死喪或兵起天舡九星在陵  
之北居河中津河不通水泛溢中四星欲其均明  
卽天下安不則兵欲喪移徙亦然客彗出入爲大  
水有兵大陵中一星曰積尸明則死人如山張衡

云一名積廩積尸明而大或有傍星多則天下多死喪或兵起若不見而暗皆吉火守則天下多哭泣天船中一星曰積水主候水災

宋兩朝天文志胃三星距西南星去極六十七度半 天廩四星距南星去極八十五度半入胃守十二度 天困十三星距大星去極九十一度半入胃宿六度半 大陵八星距大星去極五十四度入危宿七度 天船九星距大星去極五十五度半入胃宿十度 積尸一星去極五十五度入胃宿四度 積水一星去極五十三度入鼻宿初度



昂宿圖



昴七星一聚實不步河西月東各一星月下五黃天  
陰名陰下六鳥芻藁營營南十六天苑形河裏六星  
名卷舌舌中黑點天譏星礪石舌傍斜四丁

昴十一度下爲日月月中道天之耳目也主西方主  
獄事又爲鹿頭胡星也又主喪甘氏云主口舌奏  
對若明大則君無佞臣天下安和暗小則佞者被  
誅搖動則信譏殺忠良張衡云昴明則獄訟平暗  
則刑罰濫六星與大星等大水有白衣會七星黃  
兵大起動搖則天下獄大臣而盡動若跳躍者胡  
兵大起一星不見皆憂兵之象也天河一星在胃  
東月一星在昴東皆黑星並主女人災禍又曰天  
河主察山林妖變天陰五星在畢柄西主從天子  
弋獵之臣預陰謀也不明則禁言漏洩天苑十六  
星在昴畢南如環紫天子之苑圃養禽獸之所也  
主牛羊明則馬牛羊盈希則死芻藁六星在苑西

以供牛馬之食也。曰天積天子之藏府也。星盛則歲豐，穰希則貨財散。張衡云：不見則牛暴，死火守之則火災起。卷舌六星在昴北，天護之外，主口語以知讒佞。張衡云：主樞機曲而靜，則賢人用直而動，則讒人得志。卷舌移出漢則天下多妄言，旁星繁則死人如邱山。大護一星在卷舌中，主醫至。占與從官同，礪石四星在五車北，主磨礪鋒刃，明則兵起如常，則吉。今火及客星守之，兵動。

宋兩朝天文志：昴七星距西南星去極七十度。天河一星去極六十六度，入胃十度。月一星去

極七十一度半，入昴宿五度。天陰五星距四星去極七十五度半，入胃宿七度。天苑十六星距

東北星去極一百七十一度半，入昴宿七度半。

芻藁六星距西行中星一百八度，入婁宿十一度。

卷舌六星去極五十三度，入昴宿初度。天護一


星去極六十一度半，入昴宿半度。礪石四星距

南第二星去極六十五度，入昴宿六度。

宋中興天文志：月與天皆在昴畢間，故昴畢之間。

爲天衛黃道之所經也月者陰宗之精爲兔四足  
爲蟾蜍三足兔在月中爲蟾蜍之精也爲星以司  
太陰之行月生於酉故於是在焉日精在氐房月  
精在昴畢自司其行度而氐房畢乃黃道之所經  
不得而司之

畢宿圖



畢恰似爪叉八星出附耳畢股一星光天街兩星畢  
背傍天節耳下八烏幢畢上橫列六諸王王下四皂  
天高星節下團圓九州城畢口斜對五車口車有三  
柱任縱橫車中五箇天潢精潢畔咸池三黑星天關  
一星車脚邊參旗九箇參車間旗下直建九旂連旂  
下十三烏天園九旂天園參脚邊

畢十七度主邊兵主弋獵其大星曰天高一曰邊  
將主四夷之尉也星明大則夷狄來貢天下安失  
色則邊兵亂一星亡爲兵喪動搖邊城兵起有護  
臣離徒天下獄亂就聚法令酷甘氏云畢主衙巷  
陰雨天之雨師也故明而移動則霖潦及街壅塞  
明而定則天下安張衡云畢爲天馬 一曰日月


食邊兵凶將衰木犯有軍功鼻畢間二星曰天街  
三光之道也主何候關糧張衍云主國界也街南  
爲華夏街北爲夷狄金火守之胡夷兵起明王道  
正暗兵起附耳一星在畢下天高東南隅主聽得  
失何意邪察不祥星盛則中國欲有盜賊邊侯警  
外國反調兵連年台移動則佞護行兵大起邊尤  
甚入畢兵起天節八星在畢南主使臣之所持也  
宣威德於四方明吉暗凶諸王六星在五車南居  
天漢之中主宗社蕃屏王室也明則諸侯奉上天  
下安不見宗社傾危四方兵起天高四星在參旗  
西北近畢此臺榭之高主遠望氣象不見則官失  
其守陰陽不和五車五星三柱九星共十四星在  
畢東北五車主天子五兵張衍云天子兵車舍也  
西北曰天庫主太白秦也次東北星曰天賦主辰  
星燕趙也次東南星曰天倉主歲星衛魯也中央  
星曰司空主鎮星楚也次西南星曰鄰主熒惑魏  
也五星有變各以其所主而占之三柱一曰三泉  
一曰休一曰旗五星均明柱皆具卽人倉廩實不

具其國絕食兵且起五車三柱有變各以其國占  
之三柱出外兵出柱入兵入柱出一月米貴三倍  
期一年出兩月米貴六倍期二年出米貴十倍期  
三年出柱不與天倉相近米穀運出千里柱倒立  
尤甚火守入天下旱金守入兵起水入月暈不爾  
則有救天潢五星在五車中主河梁濟渡之處也  
不見河梁不通成池三星在五車中天潢南魚  
罔也金火犯之則有大災隋志云月五星入天潢  
兵起道不通天下亂易政成池明有龍墜死虎狼  
害人兵起天關一星在五車南畢西北亦曰天門  
日月五星所行之道也主邊塞事主關閉芒角有  
兵五星守之貴人多死移徙若與五車台大將軍  
披甲參旗九星在參四五車之間天旗也明而希  
則邊寇不動不然反是隋志參旗一日天旗一日  
天弓主司弓弩之張候髮禦難玉井西南九星曰  
九符天子之旗也主邊軍進退金火守之兵亂起  
天苑之南十三星曰天園植果菜之所也幽而鈞  
則果菜熟不然則否



宋兩朝天文志畢入星距右服第一星去極七十  
五度 天衛二星距南星去極七十一度入畢宿  
十度 附耳一星去極七十七度入畢宿三度  
天節八星距北星去極八十度半入畢宿二度  
諸王六星距西星去極七十度入畢宿三度 天  
高四七距東星去極七十度半入畢宿六度 天  
五草五星三柱九星距大星去極四十七度半入  
畢宿八度半 天潢五星距西北星去極五十八  
度入畢宿十一度 咸池三星距南星去極五十一  
度入畢宿十一度半 天關一星去極七十一度  
半入觜宿初度 參旗九星距南第一星去極八  
十七度入畢宿六度 九斿九星距南星去極一  
百二十三度入畢宿十二度 天園十三星距東  
北星去極一百二十四度入畢宿五度

青 宿 圖




觜三星相近作參觜樂上坐旗直指天尊卑之位九相連司怪曲立坐旗邊四鴟大近非鉞前

觜一度在參之右角姑鼎足形主天之闕明大則天下安五穀熟移動賜君臣失位天下旱隋志云觜觴爲三軍之候行軍之藏府也主葆旅收發萬物明則軍儲盈將得勢動而明盜賊羣行葆旅起動移將有逐者張衡云葆旅野生之可食者金火來守國易政兵起災生日食臣不忠月食君害臣五星犯災生孛客星犯兵起坐旗九星在司怪西北主別君臣尊卑之位明則國有禮暗則反是司怪四星在井鉞前後候天地日月星辰禽獸蛇虫草木之變與天高占同

宋兩朝天文志觜三星距西南去極八十二度半坐旗九星距南星去極六十一度半入參宿入度司怪四星距西星去極七十一度入參宿六度半

參宿圖



參總有三星觜相侵兩肩雙足三爲心伐有三星足  
裏深玉井四星右足陰屏星兩扇井南襟軍井四星  
屏上吟左足下四天廁臨廁下一物天屎沉

參十度上爲五星日月中道甘氏曰參爲忠良孝  
謹之子明大則臣忠子孝安吉移動殺忠臣一日

參代一日大辰一曰天市一曰鉞鉞主斬刈又爲  
天獄主殺伐又主權衡所以平理也又主邊城爲  
九譯故不欲其動也參曰獸之體其中三星橫列  
三將也東北曰左肩主左將西北曰右肩主右將  
東南曰左足主後將軍西南曰右足主偏將軍故  
黃帝占參應七將中央三小星俊天之都尉也主  
胡鮮卑戎狄之國故不欲明又曰七將皆陽天下  
兵精也王道缺則芒角張伐星明與參等大臣謀  
亂兵起參星失色軍散敗芒角動搖邊侯有急天  
下兵起又曰有斬伐之事參左足入玉井中兵大

起秦地大水若有喪山石爲惟參足若突出玉井  
則虎狼暴害人差昴王臣貳金火來守則國易政  
兵起災生日月食田荒米貴五星犯災甚玉井四  
星在參西右下水象也屏二星在玉井南屏爲屏  
風客星入之四足虫大疾人亦多死不見則國內  
寢疾玉井東西星曰軍井行軍之井也軍井未達  
將不言渴名取此也又曰主軍營之事天廟四星  
在屏東溷也主天下病疾黃吉青赤白皆凶不見  
與屏同天屎一星在廟南色黃則吉他色皆凶  
宋兩朝天文志參十星距中星西第一星去極九  
十二度半 玉井四星距西北星去極九十八度  
少入畢宿十一度半 天屏二星距南星去極一  
百一十五度入畢宿十三度半 軍井四星距西  
南星去極一百五度半入畢宿十四度 天廟四  
星距西北星去極一百一十度半入參宿二度  
屎一星去極一百一十五度入參宿三度半

南方 朱鳥七宿

宋中興天文志石氏云南宮赤帝其精鳥爲七宿  
井首鬼日柳隳星頸張喙翼翻軫尾司夏司大司  
南岳司南海司南方司羽虫二百有六十王奕曰  
朱鳥其以羽虫之長稱歟而曰鶉首鶉火鶉尾何  
也師曠禽經鶉鳳也青鳳謂之鶉丹鳳謂之鶉白  
鳳謂之鶉紫鳳謂之鶉蓋鳳生於丹文鶉又鳳之  
赤者故南方七宿取象焉考之月令春其蟲鱗龍  
鱗之長故東方之宿爲蒼龍秋其虫毛虎毛虫之  
長故西方之宿爲白虎冬其虫介龜介虫之長故  
北方之宿爲元武夏其虫羽鳳羽虫之長故南方  
之宿爲朱鳥吳興沈氏以朱鳥爲丹鶉豈知四獸  
皆虫之長也鶉之微何預

# 井宿圖





井八星橫列河中靜一星名越井邊安兩河各三南  
北正天罇三星井上頭罇上橫列五諸侯侯上北河  
西積水欲覓積薪東畔是鉞下四星名水府水位東  
畔四星序四瀆橫列南河裏南河下頭是軍市軍市  
團圓十三星中有一箇野雞精孫子丈人市下列各  
立兩星從東說闕邱兩星南河東邱下一狼光蓬茸

左畔九箇彎弧弓一矢擬射頭

狼胸有箇老人南極  
中春秋出人壽無窮

井三十四度甘氏云井八星在河中主泉水日月  
五星貫之爲中道石氏爲之東井亦曰天井主諸  
侯帝戚三公之位故明大則封侯建國搖動失色  
則誅侯戚廢戮三公帝師受殃矣張衡云天之南

門也黃道所經爲天子之亭候主水衡事法令所  
取平也王者用法平則井明而端列鉞一星附井  
之前主伺奢濫而斬之故不欲其明大與井齊或  
搖動則天子用鉞於大臣月宿井有風雨之應又  
日井爲天子府暗芒井日月食五星逆犯大臣謀  
亂兵起中有六星不欲大明明卽水災南北兩河  
各三星分夾東井一曰天高天之闕門主關梁河  
南曰南成一曰南宮一曰陽門一曰越門一曰權  
星主火北河曰北成一曰北宮一曰陰門一曰胡  
門一曰衡星主水兩成之間三光之常道也河成  
動搖中國兵起天樽三星在五諸侯南主盛饒粥  
以給酒食之正也張衡云以給貧餒明則豐暗則  
荒或言暗吉五諸侯五星在東井東北近北河主  
刺舉戒不虞又曰治陰陽察得失亦曰主帝心一  
日帝師二曰帝友二曰三公四曰博士五曰太史  
又五曰大夫此五者皆爲帝定議星明大潤澤則  
天下大治芒角則禍在中張衡又曰五諸侯治陰  
陽察得失明而潤大小齊等則國之福又曰赤明


豐贖則荒積水一星在河北所以供酒用也不見  
爲災又曰主候水災積薪一星在積水東以備庖  
厨之用明則人主康火守之大旱水府四星在東  
井西南水官也占與水位同水位四星在東井主  
水衝又主馮溢流也故巫咸氏贊曰水位四星馮  
溢流移動近北河則國沒爲江河若水火及客星  
守犯之百川盈溢四瀆四星在井南軒轅東以江  
河淮濟之積精也明大則水泛溢軍市十三星如  
錢狀在參東南天軍貨易之市客星及金火守之  
軍大饑野雞一星在軍市中主變怪也以芒角動  
播爲兵災移出則諸侯兵起軍市西南二星曰丈  
人丈人東二星曰子子東二星曰孫丈人主壽考  
之臣不見人臣不得通子與孫皆侍丈人之側相  
扶而居不見爲災守常無咎闕兵三星在南河東  
主象魏天子之雙闕諸侯之兩觀也金火守之兵  
戰闕下狼一星在井東南爲野將主殺掠色有常  
不欲變動角而變色動搖盜賊作胡兵起人相食  
躁則人主不靜不居其功馳騁天下張衡云居非

其處則人相食色黃白而明吉黑凶赤芒角兵起  
金大守之亦然彗矢九星在狼東南天弓也以備  
盜賊曹向狼彗矢動搖不如常者多盜賊明則兵  
大起狼彗張害及胡天下乖亂又曰天弓張天下  
盡兵主與臣相謀張符云滿則天下兵起老人一  
星在彗南一曰南極常以秋分之旦見于丙春分  
之夕没于丁常以秋 候之南郊明大則人主有  
壽天下安寧不見則人主憂

宋兩朝天文志井入星距西扇北第一星去極六  
十九度 鉞一星去極六十九度少入參宿八度  
半北河三星距東大星去極六十一度半入井宿  
二十一度 天樽三星距西星去極六十八度入  
井宿十六度 五諸侯五星距西星去極五十六  
度半入井宿六度半 積木一星去極五十四度  
半入井宿十八度 積薪一星去極六十五度半  
入井宿二十七度 木府四星距西星去極七十  
六度半入參宿七度半 水位四星距西星去極  
七十三度半入井宿十八度 四瀆四星距西南

星去極八十六度入井宿二度 單市十三星距西北星去極一百七度半入井宿初度 野雞一星去極一百九度半入井宿四度半 丈人二星距西星去極一百二十八度入參宿四度 子二星距西星去極一百二十八度入參宿九度 井二星距西星去極一百二十五度入井宿六度 闕邱二星距大星去極九十一度少入井宿十五度 狼一星去極一百七度半入井宿十度 弧矢九星去極一百一十四度入井宿十五度 老人一星去極一百四十三度入井宿三度 宋中興天文志南極老人在弧矢南司天下人民壽筭蓋北極在丑艮故南極在未坤南極入地三十六度不可得而見也故其精神出地以見乎天謂之南極老人然其出地亦不甚遠故隱見不常見則爲祥其勢位等威蓋與中斗相將以輔上帝故雖在井分不得而司之也

鬼宿圖



鬼四星冊方似木櫃中央白者積尸氣鬼上四星是  
耀位天狗七星鬼下是外厨六間柳星次天社六箇  
弧東倚社東一星是天紀


輿鬼二度爲日月五星之中道主死亡疾病張衡  
云主祠事天目也又主視明察奸謀東北星主積  
馬東南星主積兵西南星主積布帛西北星主積  
金玉隨其變占之中央一星名積尸亦曰積尸氣  
者但見其氣而已主死喪禍祀一曰鉄質主誅斬  
鬼星明大穀成不明人散動而光上賦歛重徭役  
多星徙人愁政令急鬼質欲其忽忽不明則安明  
則兵起大臣謀主下流亡甘氏曰積尸搖動失色  
則疾病鬼哭人荒軒轅西四星曰耀亦曰烽耀主  
烽火備警急占以不明安靜明太甚則邊亭警急  
搖動芒角亦然又曰明吉暗凶天鬼七星在鬼西  
南狼之北橫河中以守賊也移徙則火起金火守

之人相食外厨六星在柳南天子之外厨也占與天厨同孤南六星爲天社老人東南似柳直明則吉隋志云共工之子勾龍能平水土故祀以配社其特爲星外厨之南一星曰天紀主知禽獸齒歲金大守之禽獸多死

宋兩朝天文志鬼四星距西南星去極六十九度半 壘四星距西北星去極六十度半入井宿二十九度 天狗七星距西星去極一百二度入井宿二十二度 外厨六星距大星去極九十二度半入鬼宿二度 天社六星距西南星去極一百三十四度入井宿十二度 天紀一星去極一百一度半入柳宿五度




柳 宿 圖



柳八星曲頭垂似柳近上三星號爲酒享宴大醕五  
星守

柳十四度上爲天之中道甘氏云主飲食倉庫醕  
之位明大則人豐酒食搖動則大人酒死失色則  
天下不支饑饉流於道路不過三年必應張衡云  
柳爲朱雀之喙天之厨宰也主尙食和滋味隋志  
云又主雷雨一日天相一日天庫一日注又主木  
功星明大臣重慎國安厨食具注舉首王命與輔  
佐出星直天下謀俊其主就聚兵闢國門酒旗三  
星在軒轅右角之南酒官之旗也主宴享飲食五  
星守酒旗天下大醕有酒肉財物之賜及爵宗室  
宋兩朝天文志柳八星距西北星去極八十二  
度半酒旗三星距西北星去極七十七度入柳  
宿十四度

星宿圖



星七星如鈎柳下生星上十七軒轅形軒轅東頭四  
內平平下三箇各天相相下稷星橫五靈

七星七度廿氏云主后妃御女之位亦爲賢士失  
色芒動則后妃死賢士誅明大則道化成國盛張  
衛云七星爲朱鳥之頸一名天都主衣裳文繡隋  
志云主急兵守盜賊故欲明則王道昌暗則賢良  
不處天下空天子疾動則兵起離則易政日食兵  
饑婦人災水犯人安火犯旱金土水犯俱災月暈  
李犯兵起軒轅十七星在七星北黃帝之神黃龍  
之體也后妃之主士女職之一曰東陵一日權星  
主雷雨之神南大星女主也次北一星夫人也屏  
也上將也次北一星妃也次將也其次諸星皆次  
妃之屬也女主南小星御女也左一星少民少后  
宗也右一星大民太后宗也發其色黃小而明也  
張衡云軒轅如龍之體主雷雨之神後宮之象焉  
陰陽交合盛爲雷激爲電和爲雨怒爲風亂爲霧

疑爲霜散爲露聚爲雲立爲虹霓離爲背喬分爲  
抱珥此十四變皆軒轅主之其星欲小而黃明則  
吉移徙則國人流逆東西角張而振后敗水火金  
守之女主惡也漢注曰軒轅爲權太微爲衛月五  
星守犯者如衝占內平四星在中台南耀之北平  
罪之官也明則利罰平暗則否酒旗南三星曰天  
相丞相之象也其占與相星畧同覆五星在七星  
之南主農正也取乎百穀之長以爲其號明大則  
歲大豐不明則儉不見則人相食

宋兩朝天文志星七星距大星去極九十六度

軒轅十七星距大星去極七十五度入張宿二度  
內平四星距西星去極五十二度入張宿六度

天相三星距北星去極九十五度入星宿六度  
天稷五星距大星去極一百三十七度入柳宿十

三度

宋中興天文志石氏云中宮黃帝其精黃龍爲軒

轅首枕星張尾掛柳井體映三台司四季司中


嶽司中土司黃河江淮濟之水司黃帝之子孫

司傑五三百六十按張衡靈憲蒼龍連螭於左白  
虎猛據於右朱雀奮翼於前靈龜圈脊於後黃帝  
軒轅於中則是軒轅一星與蒼龍白虎朱雀元武  
四獸爲五矣世之言星者惟知四獸而不知蒼龍  
是求之未盡也孟康曰軒轅爲權太微爲衡以軒  
轅一曰權星故爲權太微垣主理法平詞如衡之  
平故曰衡史記正義謂權四星在軒轅尾西非也  
軒轅西四曰權星主烽火警急不曰權也權字  
從火誤爲權字張守節不審指以釋此殊爲踈謬  
又曰或謂自有乾象便有此星軒轅果黃帝之神  
也有黃帝而後有之乎呂氏曰軒轅黃星黃龍也  
兩角有軒轅之象故名之曰軒轅軒轅降神而生  
黃帝知之故自號曰軒轅云爾號軒轅非名也且  
如王良奚仲造父皆星名亦其神降而爲人人去  
而復爲星也又何獨於軒轅疑之

按軒轅本天市垣之星而在張宿之分野則南  
方朱鳥七宿之所司也三垣中外宮諸星雖所  
掌有大小其位有尊卑而未有不隸於一十八

宿者蓋二十八宿分布周天之躔度分野不可  
外也中與天文志據石氏星書以黃龍軒轅配  
四方二十八宿所謂青龍朱雀元武白虎者分  
而爲五而以爲土德奇王鶉大夫五行之不可  
缺上土之奇王固然矣遂以爲壘積水積薪五  
諸侯天樽闕邱北河南河四瀆水位諸星皆爲  
軒轅之屬按壘以下諸星與軒轅亦俱寄躔於  
二十八宿者也今欲尊軒轅而與諸星屬之則  
軒轅豈能外二十八宿而自爲躔度分野以處  
諸星乎

張宿圖






張六星似軫在星傍張下只是有天廟十四之星册四方長垣少微雖向上星數歛在太微傍太尊一星直上黃

張十七度廿氏云主天廟明堂御史之位上爲天之中道若明大國則盛強失色宗廟不安明堂官廢隋志云主珍寶宗廟所用及衣服又主天厨餼食賞賚之事星明則王者行五禮得天下之中動則賞賚雜徙天下有道人就聚有兵金火守之有兵起或云主貢物色細無光王者少子孫日食虧修禮也月食大滂魚行人道火李犯兵起土木犯國不寧張南十四星曰天廟天子祖廟也客星守之禍官有憂其占與虛梁同長垣四星在少微南主界域及胡夷火守之胡人入中國太白入之九卿謀及少微四星在太微西南北列士大夫之位也一名處士亦天子副主或曰博士官一曰主衛

掖門南第一星爲處士第二星爲議士第三星爲  
博士第四星爲大夫明大而黃則賢士舉月五星  
犯守之處士女主憂宰相易

宋兩朝天文志張六星距西第二星去極一百二  
度半 天廟十四星距西北星去極一百十三度  
半入柳宿十三度 長垣四星距南星去極七十  
六度入張宿十四度 少微四星距東南大星去  
極六十五度半入張宿十五度半

翼 宿 圖




翼二十二星太難識上五下五橫着行中心六箇恰似張更有六星在何處三三相連張畔附必若不能分處所更請向前看野取五箇黑星翼下頭欲知名字事東甌

翼十九度廿氏日主太微三公化道文籍失色則民流日月交食五星並逆芒動則化道不行文籍壞波動移則三公廢明大則化成隋志云翼爲天之樂府主俳倡戲樂又主夷狄遠客負海之賓明大則滯樂與四夷來賓動則蠻夷使來離徙則天子舉兵或云明則禮樂興暗則政教失日食臣僭月食婦人憂五星孛流客犯大凶東甌五星在翼之南蚩夷星也張衡云主東越穿胸越三夷金火守之其地有兵芒角動搖兵內叛

宋兩朝天文志翼二十二星距中央西第二星去

極一百四十度 東既五星距西南星去極一百  
二十九度入張宿七度

軫宿圖



天官圖

卷一

軫四星似張翼相近中央一箇長沙子左轄右轄附  
兩星軍門兩黃近翼是門下四箇土司空門東七烏  
青邱子青邱之下名器府器府之星三十二以上便  
爲太微宮黃道何上看取是

軫十七度廿氏云軫七星主將軍樂府歌謠之事  
五星犯之失位國亡女子主政人失業賊黨掠人  
禍生於百日内若明大則天下昌萬民康四海歸  
王張衡云軫爲冢宰輔臣也主車騎明大則車騎  
用一云明大則車騎用一云明大則車騎動隋志  
云主載任有車出入皆占於軫又主死喪明則車  
駕備動則車騎用離徙天子憂竦聚兵大起軫轄  
星附軫兩傍主王侯右轄爲王者同姓左轄爲異  
姓星明兵大起連軫凶軫轄舉南蠻侵張衡云轄  
不見國有大憂長沙一星在軫之中主壽命也長

沙明則人壽長子孫盛軍門三黃星在青邱西天子六軍之門也主營候豹尾威旗占以移其處爲道不通土司空四黃星在軍門南主土功巫咸氏云金火犯之天下田不得耕女不得織隋志云一曰司徒主界域青邱七黑星在軫東南主東方三韓之國占與東甌同軫南三十二星曰器府主樂器之屬也明則樂器調理暗則有咎

宋傳朝天文志軫四星距西北星去極一百三度半 右轄星去極一百一十度半入翼宿十六度半 左轄星去極一百一度半入轄宿五度 單門二星距西南星去極一百一十二度半入翼宿十三度 土司空四星距南星去極一百二十度入翼宿十四度 青邱七星距西北星去極一百二十四度半入軫宿五度 器府三十二星距西北星去極一百三十七度半入翼宿八度半

宋中興天文志總論曰甘石巫咸三家後代所宗也彙或不深考以故三垣大角之列衛二十八舍內官外官之分隸不無異同今於三家參諸說考



定二百九十座所以不知若闕如也蓋諸星有以一星爲一座者有以二三十星爲一座者有相爲比附者有相比而不附者杠附華蓋凡十八星爲一座衝附庫樓凡二十九星爲一座也欽不附并耳不附畢豫不附箕長沙不附軫鈞鈴鍵閉不附房則以屬吏自爲官知也矢得以附弧日不得以附并以弧矢一人司之并日二人司之故也野雞不附軍市雞自守其所司也南門不附庫樓南門不但爲庫樓門也他如積水天附天船積尸不附大陵天讒不附卷舌咸池天潢三淵不附五車石氏甘氏皆有其辨不可臆說也若夫樞名耳類傳記錯見則又有不可槩舉者北極爲北辰水星爲辰參爲大辰而大火亦曰大辰宋大辰之墟是也見左氏昭十七年孫爻曰龍星明者以爲時刻故曰大辰心在中最明時刻主焉元枵亦曰天竈星在天竈是也見國語武王伐商星在天竈昭十九年疏天竈元枵別名也姬訾亦曰豕韋歲在豕韋是也見襄十八年疏豕韋亦名姬訾也鶉尾亦曰

鳥帑以害鳥帑是也見襄二十八年禘廟曰歲棄  
其次而旅於明年之次以害鳥帑注南爲朱鳥鳥  
尾曰帑疏曰人妻子爲帑鳥尾曰帑妻子爲人後  
鳥尾亦鳥之後故俱以帑爲言也氏謂之天根見  
爾雅天根氏也郭璞曰角亢下聚於氏猶木之有  
根國語曰天根見而水涸也室謂之定見爾雅云  
普室謂之定郭璞曰定正也作宮室以普室中爲  
正詩定之方中作于楚宮易謂之留見史記索隱  
曰留易也而毛傳亦以雷爲易也畢謂之濁見爾  
雅濁謂之畢也柳謂之味丁救反見襄九年味爲  
鶉大鵬曰柳謂之味味鳥尸也若斯名類助於堯  
典詳於爾雅左氏國語諸書而所入之度則未悉  
也若夫二十八舍諸言度分亦或差殊斗井度視  
諸舍爲闕參僅一度占昏旦至觀弧建爲定亦由  
所見而莫著其度近世王奕所述十二次二十八  
度有可考焉

按史志言三家所考三垣大角之列衛二十八舍  
內外官之分隸不無異同今按歷代天文志惟宋

兩朝及中興志與隋丹元子步天歌能言諸星之分隸然大角一星兩朝志以爲屬亢中興志以爲屬軫其爲異同大槩若此蓋自唐開元中一行所造渾儀其所測宿度已與舊經異而宋太平興國中渾儀所測又與唐異所爭或一二度或三五度以管窺天豈能無誤於是此以爲軫彼以爲角甲不遁三五度間耳天道幽遠術家各持一說固未有以訂其是非也至如南斗六星卽斗牛之斗則其分野反在北方北斗天樞在張宿十度則其分野反在南方則其理有不可究詰者當何知星者而質之

二十八宿度

宋中興天文志王奕按自古言天者皆曰周天三百

六十五度四分度之一何從而知審也曰天本無度  
因日之行一晝夜所躔濶狹強名曰度蓋日之行也  
三百六十五日之外又行四分日之一以一年而周  
於天焉以一日所行爲一度故分爲三百六十五度  
四分度之一范蔚宗謂日之所行在天成度在歷成  
日是也曰天固有其度而二十八宿亦各有度何從  
而定之一也曰二十八宿亦未始有度也天體沖漠  
雖分爲三百六十五度然其度難別也故作歷者隸  
其度於二十八宿用以紀日月所躔而已蓋天之有

度也猶地之有里也二十八宿所分之度猶九州列縣所占之里也二十八宿各有其度則日之行於天也孟春在某星幾度仲春在某星幾度日躔可得而名也九州列縣各有其里則人之行於地也某日至某州幾里某日至某縣幾里驛可得而計也此星度所由起也曰二十八宿之度或濶狹何也日日之所躔偶與此宿相當此濶狹於是分也故說渾天者曰日之所躔或多或少適當其星者凡二十八故度之多寡於是生焉井斗之舍非無星也然不與日躔相

當故其度不得不濶鶻鬼之傍非無星也然日躔一  
二日而其星適與相當故其度不得不狹也失其得  
度濶狹非舉一宿全體盡占此度也南斗六星也舉  
全體而言之合距杓星爲度而今歷家距魁第四星  
爲度杓二星則入於箕牽牛六星也舉全體言之合  
距星二星爲度今歷家距中二星爲度而西二星則  
入於斗虛二星也舉全體言之合距北星爲度而今  
歷家距南星爲度北星則入於牽牛蓋南斗六星之  
中杓二星不當日之度而魁第四星當度故距於魁

而得二十六度牽牛六星之中西星不當日之度而  
中二星當度故牽牛距魁而得六度虛二星之中北  
一星不當日之度而南一星當度故虛距南星而得  
十度古之造歷假設是法以步日躔或者不察謂二  
十八宿本有其度又見其宿得幾度遂謂舉一宿全  
體在焉則又非矣又按唐志一行所謂北星舊圖入  
虛今側在須女九度危北星舊圖入危今側在虛六  
度半又奎誤距以西大星故壁損二度奎增二度今  
復距西南大星卽奎璧各得本度又柳誤距以第四

星今復用第三星張中央四星爲朱鳥嚙外二星爲翼北距以翼而不距以膺故張增七度半二星減二度半今復以膺爲距則七星張合得半度吳興沈氏曰二十八宿爲二十八星當度故立以爲宿前世測候每或改變如唐書測得畢有十七度半觜只有半度之類皆謬說也星旣不當度自不當爲宿次自是渾儀度距疎密不等耳凡二十八宿度數皆以赤道爲法推黃道不合度者蓋黃道有斜有直故度數與赤道不等卽復以當度星爲宿惟虛道未有奇數自



是日之餘分歷家取於斗分者此也餘宿則不然

沈氏筆談曰予編校駢文書時預詳定渾天儀官長問予二十八宿多者三十三度少者止一度如此不均何也予對曰天事本無度推歷者無以寓其數乃以日所行分天爲三百六十五度有奇○曰平行三百六十五日有餘而一期天故以一日爲一度也○既分之必有物記之然後可窺而數於是以當度之星記之循黃道日之所行一期當者止二十八宿星而已○度如牽掾當度謂正當牽掾上者故車蓋二十八弓以象二十八宿則如渾儀奏議所謂度不可見可見者星也日月五星之所由有星焉當度之盡者凡二十有八謂之舍舍所以挈度所以生數也○今所謂距度星者是也非不欲均也黃道所由當度之星止有此而已按中興志所載王奕之說卽沈括之說也王允之公不知其孰先孰後孰倡孰襲然王說詳而說簡而當故不嫌並著之云